



**KOMMUNALBESTYRELSIP  
ILEQQUUSUMIK ATAATSIMIINNERA  
TALLIMANNGORNEQ 7. MARTS 2025 NAL. 09:00**

**Peqataasut:**

1. Palle Jerimiassen (D), borgmesteri
2. Jens Ole Nathanielsen (IA), borgmesterip tullia siulleg
3. Sakio Fleischer (S), borgmesterip tulliaata aappaa
4. Aqqalu C. Jerimiassen (A)
5. Knud Kleemann (A)
6. Lena Ravn Davidsen (D)
7. Bendt B. Kristiansen (IA)
8. Niels Davidsen (IA)
9. Anthon Frederiksen (N)
10. Jens Napâtok' (N)
10. Ane Qujaukitsoq (S)
12. Elisabeth Nielsen (S)
13. Jakob Petersen (S)
14. Jens Kristian Therkelsen (S)
15. Jørgen Kruse (S)
16. Margrethe Christensen (S)
17. Timotheus Petersen (S)

**Imaqarniliortoq:**

Nick Nielsen, pisortaaneq

**Immikkut aggersakkat:**

Pisortaqatigiit

**Oqalutsit:**

**Ataatsimeeriaaseq:**

Teamsikkut

| KOM | QULEQUTAQ                                                                                                                                       | BILAG |
|-----|-------------------------------------------------------------------------------------------------------------------------------------------------|-------|
| ORI | Ilisimatitsissut                                                                                                                                |       |
| 007 | Ilinniartitsisup illussaanut aningaasaliissutini nuussineq                                                                                      | 001   |
| 008 | Upernavimmi aqqusernit atissaannik nutaanik siunnersuusiortitsilluni unammisitsineq                                                             | 002   |
| 009 | Ilulissani Alanngukasimmi sisorartartut majuartaatissaannik misikumik pilersitsisoqarnissaanik politikkikkut siunnersut, Anthon Frederiksen (N) | 003   |
| 010 | Ummannami nutaamik utoqqaat illuanik sanasoqarnissaanik politikkikkut siunnersuut, Sakio Fleischer (S)                                          | 004   |
| 011 | Ilulissani katersugaasiviup aserfallatsaaliorneqarnissaanik politikkikkut siunnersuut, Lena Ravn Davidsen (D)                                   | 005   |
| 012 | Qaarsuni ivigaasaaqqanik qallikkamik arsaattarfiliornissamik politikkikkut siunnersuut, Jørgen Kruse (S)                                        | 006   |
| 013 | Upalungaarsimasut pillugit sanaartornermut kontomi nuussinissamut periarfissat                                                                  | 007   |

| KOM | QULEQUTAQ                                                                                                                        | BILAG |
|-----|----------------------------------------------------------------------------------------------------------------------------------|-------|
| 014 | Sanaartornermut konto-miit aningaasaliissutini nuussinissamut periarfissat                                                       | 008   |
| 015 | Oqaluuserisassatut siunnersuutit                                                                                                 | 009   |
| 016 | Nipilersornermut ilinniarfissap Iluissani illutassaa pillugu oqaluuserisassatut siunnersuut, Jens Ole Nathanielsen (IA)          | 010   |
| 017 | Unammiat tikittarnerini madresset pillugit pisinissamut siunnersuut, Lena Ravn Davidsen (D)                                      | 011   |
| 018 | Avannaata Kommuniani TOPI suliniummik tigusineq                                                                                  | 012   |
| 019 | Immikkut aningaasaliisoqarnissaannut qinnuteqaat. Atuarfiup AJB, Nukaaqqami atuartut inaanni atortunik kissaateqarnera tunngasoq | 013   |
| 020 | Naatsorsuutit ukioq 2024-nut killiffiugallartoq                                                                                  | 014   |
| 021 | 2025-mi atuinermi killiffiugallartoq                                                                                             | 015   |
| 022 | Utoqqaat illuanni qerititsivisuartaarnissaanut qinnuteqaat                                                                       | 016   |
| 023 | Allaffissuarmik pilersitsinissamut titartaatitsinissamut siunnersuut                                                             | 017   |

**Aaliangiineq:****Oqaluuserisassat akuerineqarput.**

Ilisimatitsissut:

Teknikkimi Ataatsimiittitaliamiit ilisimatitsissutit.

**Ilulissani talittarfissat pillugit misissuineq**

Ilulissani talittarfimmik sanaartorsinnaaneq pillugu oktoberi 2024-mi Bendt B. Kristiansen-imit (IA) politikikkut oqaluuserisassatut siunnersuummik ingerlatsivik tigusaqarpoq. Missingersuutit novemberimi suliarineqarnerini Ilulissani talittarfiliornissamut pilersaarummik (projektering) kommunalbestyrelse kr. 2,5 millioninik immikkoortsivoq. Maannakkut siunnersuisartut Rambøll-imiit siunnersuutininik (ideoplæg) suliaqaleruttorput. Piffiit pingasut aallaavingalugit siunnersuusiortoqarpoq:

- Umiarsuarmik takornariussussuarnut talittarfik mittarfittaassap avannaatungaani.
- Itisuarsummi angallatinut nuannaariutinut turistilerissutinut talittarfik
- Eqqangassanut talittarfik

Siunnersuutit maajimi/juunimi tigusiannissai naattorsuutigineqarpoq. Projektit siunnersuisartussarsiuunneqassapput kingunerani.

Bilag ORI-01: Talittarfiit pillugit misissuisoqarnissaanut siunnersuut, Bendt B. Kristiansen (IA)

**Ilulissat mittarfiani illorsuit pioreersut**

Ilulissani mittarfeqarfiup illuutaat pioreersut tiguneqarsinnaanersut misissorneqarnissaat pillugu Aqqalu C. Jerimiassen (A) politikikkut oqaluuserisassatut siunnersuuteqarsimavoq. Ingerlatsivimmit greenland air attavigineqarsimavoq tamanna pillugu, paasissutissiipput aallariartortarfiup illorsua nassiussaleriffittut allaffeqarfittullu atoriarpoq mittarfeqarfimmit. Illorsuit sinneri, soorlu hangarit mittarfittaassamut atatillugu atortunut ilitsivittut atorineqarniarpoq.

Bilag ORI-02: Aqqalu C. Jerimiassen-mit (A) politikikkut siunnersuut mittarfiup illuutai pillugit

**Itisuarsuk pillugu misissuineq**

Anthon Frederiksen politikikkut siunnersuuteqarsimavoq Diskolinep itisuarsummi sanaartornissaa pillugu kommunalbestyrelsip aalajangernera utertinneqassasoq. Tassunga atatillugu Ineqarnermut Attaveqaasersuutinullu Naalakkersuisoqarfik akissuteqarnissaa utaqqisaammatt oqaluuserisassaq kinguartinneqarpoq.

Bilag ORI-03: Anthon Frederiksen-mit (N) politikikkut siunnersuut itisuarsuk pillugu

**Avannaata Kommunia Avannaa Development-mut qularnaveequsiinera**

Siuliani ilisimatitsissutigineqarnikuuvoq kr. 80,0 mio.-nit qularnaveeqqutaasut kr. 20,0 mio.-nint appartinneqartut. Uanilu suliaassat Avannaa Development-miik siunertaasut allanngortinneqarmata byggekredit atorunnaarsinneqarpoq. Siunertanut naleqquttumik suliaqartoqareerpat sanaartornissamut aningaasartuutaajumaartussanut nutaamik pilersitsisoqassasoq anguniarneqarpoq. Taamaattumik Avannaata Kommunia suliffeqarfiutiminut qularnaveequssiisimanera atorunnaarpoq naleqartoq kr. 20,0 mio.

Bilag ORI-04: Qularnaveequsiinermut atorunnaarneranut uppersaatiit

**Aaliangiineq:**

**Ilisimatitsissutit tusaatissatut tinguneqarput.**

|                |                                                                   |                    |            |
|----------------|-------------------------------------------------------------------|--------------------|------------|
| <b>Sag nr.</b> | <b>Sammisag</b>                                                   | <b>Bilag nr.</b>   | <b>001</b> |
| <b>KOM 007</b> | <b>Ilinniartitsisup illusnaanut aningaasaliissutini nuussineq</b> | <b>Journal nr.</b> |            |

Uteqqiineq:

Kommunalbestyrelsi 2024-imi aalajangerpoq, Nuussuarmi ilinniartitsisup illusnaanut nutaamut kr. 4,5 mio.-it aningaasaliissutiginiarlugit. Teknikkimut Ingerlatsivik siunnersuisartunut sanaartortussamullu isumaqatigiissusiornerminni aningaasat ikinnerusut atorneqassasut isumaqatigiissutigisimavaat, taamaattumillu siunnersuutigineqarpoq aningaasat sinneruttut kr. 0,8 mio.-it 2025-imi Innaarsunni ilinniartitsisup illusnaanik nutaamik pilersaarummut nuunneqassasut, tamannalu uani isummerfingineqassooq.

Suliamik saqqummiussineq:

Kommunalbestyrelsi aalajangernikuuvoq 2024-imi Nuussuarmi ilinniartitsisup illusnaanik nutaamik sanasoqassasq aningaasaliillunilu, taamaaqataanillu 2025-imi aningaasaliisoqassasq Innaarsunni ilinniartitsisup illusnaanik nutaamik sananissamut.

2025-imut sanaartugassanut aningaasaliissutit akuerineqarnerinut atatillugu kommunalbestyrelsip kissaatigaa, ingerlatsiviup misissussagaa Innaarsunni ilinniartitsisup illusnaanik sananissamut aningaasaliissutit missingersuutit iluannit amerlineqarsinnaanersut, siunertamut taamaallaat kr. 600.000 immikkoortinneqarnerat tunngavigalugu.

2024-imi aningaasaliissutaapput kr. 4.515.000 Nuussuarmi ilinniartitsisup illusnaanik nutaamik sananissamut. Sanaartorneq ingerlavoq 2025-imilu naammassineqassalluni, akeqassalluni kr. 3.715.000 miss., ilanngutereerlugit aningaasat ikinnerusut aningaasartuutitut naatsorsuutigineqarsinnaanngitsunut. Taamaalluni aningaasartuutissat kr. 800.000 miss. missingersuummit annikinnerupput.

Illuatungaattigit 2025-imut aningaasaliissutaapput kr. 600.000-it Innaarsunni ilinniartitsisup illusnaanik nutaamik pilersaarusiornissamut. Missingersuutitut aningaasaliissutaasut ikippallaarput illumik sanassutigissallugit, kisiannili kr. 800.000-nik nuussinikkut/ilasinikkut, pilersaarut 2025-imi sanallugu aallartinneqareersinnaagunaraluarpoq, 2026-imut aningaasaleeqqinnikkut naammassineqarsinnaasumik.

*Iluarsiiissutissat siunnersuut – suliamik nalilersuineq*

Nuussuarmi ilinniartitsisup illusnaanik nutaamik sanaaq kr. 3.715.000-it missaanni akeqartussaammat, ingerlatsiviup innersuussutigaa, aningaasaliissutinit sipporuttut Innaarsunni ilinniartitsisup illusnaanik sananissamut pilersaarutitut nuunneqassasut.

**Aningaasat:**

|                                                      |                   |                      |
|------------------------------------------------------|-------------------|----------------------|
| • Ilinniartitsisup illua, Nuussuaq, miss. 2024       |                   | 4.515.000 kr.        |
| • Ilinniartitsisup illua, Nuussuaq, nuussineq 2025   |                   | -800.000 kr.         |
|                                                      | <b>Katillugit</b> | <b>3.715.000 kr.</b> |
|                                                      |                   |                      |
| • Ilinniartitsisup illua, Innaarsuit, miss. 2025     |                   | 600.000 kr.          |
| • Ilinniartitsisup illua, Innaarsuit, nuussineq 2025 |                   | +800.000 kr.         |
|                                                      | <b>Katillugit</b> | <b>1.400.000 kr.</b> |

*Ingerlariaqqinnissaq*

Inassuteqaat ataatsimiititaliap akuerissappagu, taava suliaq Aningaasaqarnermut kingornalu kommunalbestyrelsimut ingerlateqqinneqassaaq.

Kinguneqaatissat:

Akuersisoqartuuppat taava Innaarsunni ilinniartitsisup illusnaanik pilersaarut pisariaqartumik aningaasanik periarfissaqalissangaluarpoq, suliariumannittussarsiuussisoqarluni immaqalu allaat ukioq manna sanaartorneq aallartereerneqarsinnaassagaluarluni.

Aningaasatigut kinguneqaatissat:

Nuussisoqassappat, taava missingersuutit Nuussuarmi ilinniartitsisup illusnaanut malinneqassapput sanaartornermut aserfallatsaaliinermullu aningaasaateqarfimmi, aningaasartuutit naatsorsuutigiuminaatsut eqqaassanngikkaanni, taakku sillimaffigineqartariaqarput. Peqatigitillugu taamaaliornikkut Innaarsunni ilinniartitsisup illusnaanik pilersaarusiornermut aningaasanik nuussisoqassangaluarpoq, soorlu tamanna kommunalbestyrelsimit misissoqquneqareersimasoq.

Nuussineq inoqqortussuseq malillugu aningaasaliissutinik agguariaatsimut sunniuteqassanngilaq, nunaqarfiit pineqartut marluk tamarmik Upernaviup nunaqarfittarimmagit. Taamatuttaaq nuussineq aningaasatigut kinguneqassanngilaq nunaqarfinnut inissialiornermut pilersaarummut ataatsimoortumut, ilinniartitsisup illui taassuma immikkoortup iluaneereermata.

Inatsisitigut toqqammavigisat:

- Kommunalbestyrelsip ataatsimiinnera nr. 10/23 d. 21. december 2023
- Kommunalbestyrelsip ataatsimiinnera nr. 12/24 d. 20. december 2024

Suliamik isumaginninneq:

Teknikkeqarnermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Teknikkimi Ataatsimiititaliami aaliangerneq:

*Allattoqarfiup Teknikkimi Ataatsimiititaliamut inassutigaa:*

*Sanaartugassanut aningaasaliissutit, kr. 0,8 mio.-it, nuunneqarnissaannik siunnersuut ataatsimiititliap akuerissagaa*

Aaliangiineq:  
Akuersissutigineqarpoq.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa*  
*Teknikkimi Ataatsimiititaliap aaliangernera ilalerneqassasoq*

Aaliangerneq:  
Akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 001-01: 2025-imi sanaartugassat pillugit imaqarniliaq KOM 116  
Bilag 001-02: Nuussuarmi ilinniartitsisup illussaa pillugu sanaartortussamut isumaqatigiissut  
Bilag 001-03: Omplaceringsskema

Aaliangiineq:**Akuerineqarpoq.**

| Sag nr. | Sammisag                                                                            | Bilag nr.   | 002 |
|---------|-------------------------------------------------------------------------------------|-------------|-----|
| KOM 008 | Upernavimmi aqqusernit atissaannik nutaanik siunnersuusiortitsilluni unammisitsineq | Journal nr. |     |

#### Eqikkaaneq:

Upernavimmi illoqarfimmi aqqusernit arfinillit atissaannik siunnersuusiortitsilluni unammisitsisoqarnikuuvoq. Najukkami Ataatsimiititaliap aqqusernit atissai aaliangersimavai. Uani oqallisingineqassooq isummerfingineqarlunilu siunnersuutit atuutinneqassanersut.

#### Suliamik saqqummiussineq:

Upernavimmi Telebakken-i sisamanngorlugu immikkoortulersorneqarpoq taakkunani ataaseq Telebakken-imik ateqaannassaaq, sinneruttulli tamarmik nutaamik atserneqassapput. Tamatuma saniatigut aqqusermut avannarlermut atimik nutaamik kissaateqartoqarpoq, kiisalu aqqusernut mikinernut marlunnut ateqanngitsunut. Ataatsimiititaliaq taamaammat ilanngussani ersittut siunnersuutigineqartut pillugit isummerfigeqquneqarpoq.

Aqqusernit taakku arfinillit atserneqarnissaannut siunnersuusiortitsilluni unammisitsisoqarpoq, tassani kommunimi innuttaasut siunnersuutitit maanga nassiunnissaanut periarfissaqarsimapput. Innuttaasut siunnersuutai kiisalu siunnersuutit tamarmik tunngavilersuutai Upernaviup Najukkami Ataatsimiititaliaani suliarineqarput. Najukkami Ataatsimiititaliamit atit tulliuttut toqqarneqarput:

- Aqqusineq nr. 1: "Seersut
- Aqqusineq nr. 2: "Nasiffik"
- Aqqusineq nr. 3: "Nuunuaqqat aqputaat"
- Aqqusineq nr. 4: "Qaarsuit aqqusernat"
- Aqqusineq nr. 5: "Qassuserfik"
- Aqqusineq nr. 6: "Datza Upernavik aqputaa"

#### *Iluarsissutissatut siunnersuut – suliamik nalilersuineq*

Teknikkimut Ataatsimiititaliap atit taaneqartut akuersissutigippagit, suliaq ingerlaqqissinnaassaaq.

#### *Ingerlariaqqinnissaq*

Teknikkimut Ataatsimiititaliami, aningaasaqarnermut Ataatsimiititaliami aamma kommunalbestyrelsimi politikikkut suliarineqareerpat allaffissormikkut suliaqarnerit tulliuttut ingerlanneqassapput:

- Sumiiffinni sunnerneqartuni nunaminertanik atugassiinerni aqqusernit atii nuarterneqassapput
- Aqqusernit killeqarfii pioreersut allanngortinneqassapput aqqusernillu killissaasa atissai nutaat pilersinneqassapput
- Aqqusernit inuit naapertorlugit atserneqarpata qanigisaasut akuersissuteqaqqaassapput
- Allanneqarnera "akuersissutigineqassaaq" Oqaasileriffimmi (Oqaasileriffik atinik akuersissuteqartanngilaq, kisianni allanneqarnissaat pillugu siunnersuisarpoq)
- Attuumassuteqartunut tamanut atinik allannguisoqartussaana pillugu ilisimatitsissuteqartoqassaaq: Asiaq (tunngaviusumik nunap assinganut ilisimatitsineq), Ingerlatsinermut immikkoortortaq (aqqusernmut allagartassamik nutaamik sanasussaq), Sullissivik (najukkami inuit nalunaarsuisarfianni aqqusernit nutaanik ilisarnaateqalernerinik nalunaarfigineqassapput), najukkami Politiit, Tusass, Nukissiorfiit, Upalungaarsimasut aamma najukkami napparsimaveqarfik eqqortumut orniguttarnissaat pillugu)

Aningaasatigut kinguneqaatissat:

Aqquserngit aqqi nalunaaqqutsernissaanut pisinissaq annikitsunnguamik aningaasatigut kinguneqassaaq. Aqqusernit pioreersut atiisa allanngortinneri oqartussanut aamma suliffeqarfinnut assigiinngitsunut artukkiissaaq.

Inatsisitigut toqqammavigisaq:

- Nunat Aqqinik Aalajangiisartut pillugit Inatsisartut inatsisaat nr. 4, 1. juni 2017-imeersoq
- Oqaasiliortut pillugit Inatsisartut inatsisaat nr. 5, 1. juni 2017-imeersoq

Suliamik isumaginninneq:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Teknikkimi Ataatsimiititaliami aaliangerneq:

*Allattoqarfiup Teknikkimi Ataatsimiititaliamut inassutingaa  
Siunnersuutigineqartut akuersissutigissagai politikkikkut ingerlateqqillugit suliarineqarniassammata*

Aaliangerneq:  
Akuersissutigineqarpoq.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa  
Teknikkimi Ataatsimiititaliap aaliangernera ilalerneqassasoq*

Aaliangerneq:  
Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 002-01: Upervavimmi aqqusernit ateqanngitsut pillugit nunap assinga  
Bilag 002-02: Najukkami Ataatsimiititaliamit Upervavimmi aqqusernit atissaatut siunnersuutai  
nutaat (allagaq)

**Aaliangiineq:**

**Akuerineqarpoq.**

| Sag nr. | Sammissaq                                                                                                                                      | Bilag nr.   | 003 |
|---------|------------------------------------------------------------------------------------------------------------------------------------------------|-------------|-----|
| KOM 009 | Ilulissani Alanngukasimmi sisorartartut majuartaatissaannik misikumik pilersitsisoqarnissaanik politikikkut siunnersut, Anthon Frederiksen (N) | Journal nr. |     |

Uteqqiineq:

Kommunalbestyrelsimi ilaasortaq Anthon Frederiksen (N) siunnersuuteqarpoq, Ilulissani Alanngukasimmi sisorartartut majuartaatissaannik mikisumik pilersitsoqassasoq. Uani qulequttami isummertoqassooq suliaq qanoq ingerlaqqissanersoq.

Suliamik saqqummiussineq:

Anthon Frederiksen (N) siunnersuuteqarpoq, Ilulissani Alanngukasimmi sisorartartut majuartaatissaannik mikisumik pilersitsisoqassasoq. Siunnersuummi allappoq nunaminertaq pineqartoq meeqqanit sisoorarfittut atorneqartareersoq. Ilanngullugu allappoq ukiuunerani meeqqat Ilulissani silami susasaqarfigisinnaasaat killeqartut, siunnersuutigineqartorlu piviusunngortinneqarsinnaasuuppat, taava kommunip anguniagaa, 2030-imi tamatta timitsinnik aalatitsinerulernissarput angujuminarnerulissangaluartoq. Aamma allappoq, meeqqat angajoqqaatik peqatigalugit sisoraartarnissartik soqutiginerulersinnaagaat.

*Iluarsiiissutissatut siunnersuut – suliamik nalilersuineq*

Alanngukasimmi nunaminertaq pineqartoq immikkoortitaareerpoq kælke-nik sisoorartarfittut, siunnersuutigineqartorlu piviusunngortinneqarsinnaavoq, kommunimut pilersaarummut tapiliussaq allanngorteqqaanngikkaluarlugu. Taamaattoq ingerlatsinermut atatillugu suliaassat unaminartortaqarsinnaapput, isumannaallisaaneq pillugu misissuisarnissat ingerlatsisussanillu pissarsinissaq eqqarsaatigalugit. Najukkami tamakku tungaatigut suleqatissat nassaarineqartariaqarput, pilersinniagaq iluatsissappat.

*Ingerlariaqqinnissaq*

Suliaq ataatsimiititaliap akuerippagu, suliaq pillugu misissuinerit amerlanerit pisariaqassapput, isumannaallisaaneq pillugu piumasaqaatit, aqqissuussaanerup tungaatigut piumasaqaatit, ingerlatsinerup tungaatigut piumasaqaatit aammalu sanaartornermut ingerlatsinermullu aningaasartuutitigut kinguneqaatissat pillugit.

Aningaasatigut kinguneqaatissat:

Toqqaannartumik aningaasartuuteqassanngilaq

Inatsisitigut toqqammavigisat:

- Elevatorinut, amoortatinut, majuartarfinnut kaavittunut, pisuffinnut kaavittunut assigisaannullu Kalaallit Nunaannut nalunaarut nr. 195, 26. februar 1992-imeersoq

Suliamik isumaginninneq:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Teknikkimi Ataatsimiititaliami aaliangerneq:

*Ingerlatsiviup Teknikkimut Ataatsimiititaliamut inassutigaa  
Suliap ingerlaqqinnissaa pillugu isummerfigeqqullugu*

Aaliangiineq:

Tunngaviatigut taparserneqarpoq. Misissuinerit ingerlaannassasut kissaatigineqarpoq.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa  
Teknikkimi Ataatsimiititaliap aaliangernera ilalerneqassasoq*

Aaliangerneq:

Akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussaq:

Bilag 003-01: Anthon Frederiksen-ip (N) siunnersuutaa

Aaliangiineq:

**Akuerineqarpoq.**

| Sag nr. | Sammisag                                                                                                | Bilag nr.   | 004 |
|---------|---------------------------------------------------------------------------------------------------------|-------------|-----|
| KOM 010 | Uummannami nutaamik utoqqaat illuanik sanasoqarnissaanik politikkikkut siunnersuut, Sakio Fleischer (S) | Journal nr. |     |

Uteqqiineq:

Kommunalbestyrelsimi ilaasortaq Sakio Fleischer (S) siunnersuuteqarpoq, Namminersorlutik Oqartussat suleqatigalugit Uummannami utoqqaat illuanik nutaamik sanasoqassasoq. Siunnersuut naammassineqassanersoq uani oqallisingineqassooq aaliangiiffingineqarlunilu.

Suliamik saqqummiussineq:

Kommunalbestyrelsimi ilaasortaq Sakio Fleischer (S) siunnersuuteqarpoq, Namminersorlutik Oqartussat suleqatigalugit Uummannami utoqqaat illuanik nutaamik sanasoqassasoq. Sakio-p allakkamini tikkuarpaa, Ilulissani utoqqaat 25-it utaqqisuniittut, utoqqaallu Uummannami 12-it utaqqisuniittut, taamaattumillu Uummannami aamma utoqqat illuanik nutaamik sanasoqartariaqartoq. 2024-imut aningaasaliissuteqartoqarnikuuvoq Ilulissani utoqqaat illuanik nutarterillunilu allilerinissamut Namminersorlutik Oqartussat aningaasaleeqatigalugit.

*Iluarsiiissutissatut siunnersuut – suliamik nalilersuineq*

Namminersorlutik Oqartussat 50/50-imik aningaasaleeqatigalugit utoqqaat illualionnissamik qinnuteqassagaanni pisariaqarpoq sanaartornissamut pilersaarummik siunnersuuteqarnissaq minnerpaamillu b-overslag-imik ilanngussinissaq. Tamanna isumaqarpoq, suliaq ingerlaqqissappat siulliullugu kommunimi pilersaarusiornissaq aningaasaliiffingineqaaqartariaqartoq. Ingerlatsivimmiit siunnersuutigineqarpoq pilersaarusiornissamut aningaasat sanaartugassat pillugit allattuivimmeersuusariaqartut (projektkatalog), tassa siunnersuutigineqarluni Uummannami sanaartugassat pillugit suleqatigiissitaliap sanaartugassat pillugit pingaarnersiuneranut ilaatinneqartariaqartoq, aamma utaqqisut siunissami amerliartornissaat maannangaaq innuttaasut kisitsisaatigut takuneqarsinnaareermat.

*Ingerlariaqqinnissaq*

Ataatsimiititaliap oqaluuserisassaq akuerissappagu, taava siunnersuut politikkikkut suliaqqitassanngorlugu Aningaasaqarnermut ataatsimiititaliamut kiisalu Kommunalbestyrelsimut ingerlateqqinneqassaaq.

Aningaasatigut kinguneqaatissat:

Inassuteqaat toqqaannartumik aningaasanik kinguneqassanngilaq. Taamaattorli pilersaarusiornissaq pingaarnersiunerimi salliutinneqassappat, pilersaarusiorneq kr. 2,5 mio.-nik naleqartussaassaaq.

Sanaartugassatut kissaatigineqartoq naatsorsukannerneqarsinnaavoq kr. 60 mio-it missaannik akeqassasoq, taakkulu affaat Namminersorlutik Oqartussanit matuneqarsinnaasut. Sanaartugassaq ukiunut arlalinnut kittaagassaassaaq.

Inatsisitigut toqqammavigisat:

- Avannaata Kommuniani kommunimut pilersaarut 2018-2030
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Teknikkeqarnermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Teknikkimi Ataatsimiititaliami aaliangerneq:

*Teknik Ingerlatsivimmiit Teknikkimut Ataatsimiititaliamut inassutingineqarpoq  
Suliap ingerlaqqinnissaa pillugu isummerfigeqqullugu*

Aaliangiineq:

Aqutsinermi inatsit inassutingalugu siumumik sammisaq kommunalbestyrelsemut ingerlanneqassasoq aaliangerneqarpoq.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa  
Teknikkimi Ataatsimiititaliap aaliangernera ilalerneqassasoq*

Aaliangerneq:

Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussaq:

Bilag 004-01: Sakio Fleischer-ip (S) siunnersuutaa

**Aaliangiineq:**

**Toqqammaviusumik siunnersuut akuerineqarpoq, kisianni ingerlaqqissanguni  
Ilaqutareeqarnermut Ataatsimiititaliamut sukumiisumik misissorneqarluni  
isummerfingineqassasoq inassutaavoq.**

| Sag nr. | Sammissaq                                                                                                           | Bilag nr.   | 005 |
|---------|---------------------------------------------------------------------------------------------------------------------|-------------|-----|
| KOM 011 | Ilulissani katersugaasiviup<br>aserfallatsaaliorneqarnissaanik politikkikkut<br>siunnersuut, Lena Ravn Davidsen (D) | Journal nr. |     |

### Uteqqiineq:

Kommunalbestyrelsimi ilaasortaq Lena Ravn Davidsen (D) siunnersuuteqarpoq Ilulissani Knud Rasmussenip Katersugaasivia iluarsaanneqassasoq. Suliami uani isummerfigineqassooq siunnersuuttip suliarineqarluni ingerlateqqinneqassanersoq.

### Suliamik saqqummiussineq:

Kommunalbestyrelsimi ilaasortaq Lena Ravn Davidsen (D) siunnersuuteqarpoq Ilulissani Knud Rasmussenip Katersugaasivia iluarsaanneqassasoq. Lena allappoq silaannaap kissatsikkiartorneratigut nunap qeriuaannartup aakkiartornera ilutigalugu katersugaasivik kiviartulersimasoq illutaalu innarleriartulersimasoq. Katersugaasivinnut siulersuisut 2024-imi septembarimi ataatsimiinnermini appisaluussivoq inatsisitigut aalajangersakkanik sumiginnaasoqarnerarlugu, katersat oqaluttuarisaanermut pingaarutillit paarineqarnerat nalunaarsorneqarnerallu aamma eqqarsaatigalugit. Lenap kommunalbestyrelsimut siunnersuutigaa, katersugaasiviup illutaata eqqissisimatitaasup iluarsaanneqarnissaanut piaartumik aningaasanik nassaartoqartariaqartoq, illorsuaq pillugu Avannaata Kommunia nakkutilliisussaataaammatt.

Illorsuaq pillugu maj 2022-imi nalunaarusiortoqarnikuuvoq. Illorsuup qanoq issusia pillugu nalunaarusiaq arlalinnik kaammattuutunik imaqarpoq, soorlu illorsuup qaliata, toqqaviata, kuuffiit, silataata qisuttaasa, matuisa, igalaavisa, iluata teknikkikkut atorulersuutaasa iluarsaanneqartariaqarneri pillugit. Ilanngulluguli aamma erseqqissarneqarpoq tamakkuluunniit iluarsaanneqaraluarpata iluaqutaanissaat siviluallaarnavianngitsoq, tassami ajornartorsiut toqqavianiittoq iluarseqqaarneqartariaqarmat illorsuaq pitsaanerpaamik pigiinnarneqassappat, tassalu suliaasaq pingaarnaq taanna aamma iluarsisassani akisunerpaajussaaq, illorsuaq pigiinnarniaraanni.

Sanaartornermi siunnersuisartut taamanikkut nalilersorsimavaat periarfissaqarnersoq illorsuup katersugaasiviusup saniani nutaamik sanasoqarsinnaanersoq, taamaaliortoqassappallu assitoqqat malillugit toqqaviusimasumi inissinneqarsinnaasoq. Taamaaliornikkut katersat oqaluttuarisaanermut pingaarutillit inissaqartinneqalissagaluarput katersugaasivimmilu saqqummersitsinissamut inissaqarnerulissangaluarluni. Sanaartornermi siunnersuisarfik aningaasaateqarfinnut aningaasassarsiortinneqaraluarpoq, tamannali iluatsitsiffiunngilaq.

### *Iluarsiiissutissatut siunnersuut – suliamik nalilersuineq*

Naalakkersuinikkut suliaassamut siunnersuutigineqartumut aningaasaliisoqarnissaa kissaatigineqassappat, Ingerlatsiveqarfiup siunnersuutigissavaa sanaartornermi siunnersuisartut kaammattuutaat malinneqassasoq, tassalu naqqaniit aallartittoqassasoq, imaappoq katersugaasiviup illorsuartaata kiviartornera unitsinneqassasoq. Tamanna siumut isigaluni aaqqiinnerussaaq isumannaannerpaaq. Ingerlatsivik maanna suliaqarpoq toqqaviata iluarsaanneqarnissaata qanoq akeqarsinnaanera paasiniallugu. Tamatuma saniatigut Ingerlatsiviup siunnersuutigissavaa, suleqatissarsiortoqassasoq aningaasaateqarfinnillu ujarlertoqassasoq, iluarsaassinissamut toqqaviatalu iluarsaanneqarnissaanut aningaasaleeqataasinnaasunik.

### *Ingerlariaqqinnissaq*

Ataatsimiititaliap oqaluuserisassaq akuerissappagu, taava siunnersuut politikkikkut suliareqqitassanngorlugu Aningaasaqarnermut ataatsimiititaliamut kiisalu Kommunalbestyrelsimut ingerlateqqinneqassaaq.

Aningaasatigut kinguneqaatissat:

Illorsuup iluarsaanneqarnissaa tamakkerlugu akeqassangatinneqarpoq kr. 4,1 mio-nik, toqqaviata iluarsaannera ilanngunnagu. Saniani illuliornissaq kr. 4,0 mio. (8m x 15m, qalialik sivingasunik – 1 ½ plan).

Missingiussanut toqqavia ilaatinneqanngilaq. Ilimagineqarsinnaavorli tamanna kr. 35,0 mio. sinnerlugit akeqarsinnaassasoq.

Inatsisitigut toqqammavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Katersugaasiveqarneq pillugu Inatsisartut inatsisaat nr. 8, 3. juuni 2015-imeersoq

Suliamik isumaginnineq:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Teknikkimi Ataatsimiititaliami aaliangerneq:

*Ingerlatsiviup Teknikkimut Ataatsimiititaliamut inassutigaa  
Suliap ingerlaqqinnissaa pillugu isummerfigeqqullugu*

Aaliangiineq:  
Ataatsimiititaliamit sammisaaq tunngaviatigut taparserneqarpoq.  
Ataatsimiititaliamit kissaatigineqarpoq suliap pillugu susassaartut ataatsimooqatingalugit ataatsimiittoqarnissaa pissasoq. Suliap sukumiinerusumik qaqeqqinneqassaaq kingusinnerusukkut.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutigaa  
Teknikkimi Ataatsimiititaliap aaliangernera ilalernerqassasoq*

Aaliangerneq:  
Akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalernerqassasoq

Ilanngussat:

Bilag 005-01: Lena Ravn Davidsen-ip (D) siunnersuutaa  
Bilag 005-02: Illup misissorneqarnera DK

Aaliangiineq:

**Akuerineqarpoq.**

| Sag nr. | Sammisag                                                                                                 | Bilag nr.   | 006 |
|---------|----------------------------------------------------------------------------------------------------------|-------------|-----|
| KOM 012 | Qaarsuni ivigaasaaqqanik qallikkamik arsaattarfiliornissamik politikkikkut siunnersuut, Jørgen Kruse (S) | Journal nr. |     |

Uteqqiineq:

Kommunalbestyrelsimi ilaasortaq Jørgen Kruse (S) siunnersuuteqarpoq Qaarsuni ivigaasaaqqanik qallikkamik arsaattarfiliortoqassasoq. Suliami matumani isummerfingineqassooq qanoq ingerlaqqittoqassanersoq.

Suliamik saqqummiussineq:

Kommunalbestyrelsimi ilaasortaq Jørgen Kruse (S) siunnersuuteqarpoq Qaarsuni ivigaasaaqqanik qallikkamik arsaattarfiliortoqassasoq. Jørgen allappoq, arsaattarfik maanna piosuq ujaraqarpallaartoq aammalu issuinnaanerusoq, arsaattarfili manissartariaqartoq ivigaasaaqqanik qallerneqassaguni. Jørgen ilanngullugu allappoq, tamanna nunaqarfiup innuttaanit taamaallaat atorneqarneq ajortoq, kisiannili Uummannaq eqqaamiunit allanit aamma atorneqartartoq. Ilanngullugu allappoq kommunip anguniagarigaa innuttaasut 2030-imi timiminnik aalatitsinerpaanngornissaat, tamatumalu takorluukkap anguniarnerani arsaattarfik ivigaasaaqqanik qalligaq iluaqutaalluarsinnaasoq.

*Iluarsiiissutissatut siunnersuut – suliamik nalilersuineq*

Arsaattarfiit ivigaasaaqqanik qallikkat iluaquteqarput, soorlu piffissaq arsarnertavianut atorluarneqartarpoq, pujoralak ajornartorsiutaaneq ajorpoq arsarnermilu atungassarititaasut pitsaanerusarput, arsaattarfinnut sioqqanik qallikkanut sanilliullugit, soorlu tamanna Avannaata Kommuniiani inoqarfinni arlalinni ilisimaneqartoq. Arsaattarfinnuli ivigaasaaqqanik qallikkanik pilersitsineq akisuneruvoq, qallersaasinnginnerani toqqavia suliasartaqarnerusarmat kussiniliorneqarneralu annertunerusarmat, tamanna pisariaqavittarluni. Suliaq eqqortumik suliarineqanngikkaangat, soorlu kussiniliorneqarsimanera naammannani, taava erngup kuutsinnissaa ajornartorsiortitsilersarpoq, arsaaffik maniilakuluttunngorsinnaavoq, arsaattarfiullu piunissaa sivikillisarneqartarluni.

*Ingerlariaqqinneq*

Ataatsimiititaliap oqaluuserisassaq akuerissappagu taava siunnersuut politikkikkut suliareqqitassanngorlugi Aningaasaqarnermut ataatsimiititaliamut kiisalu Kommunalbestyrelsimut ingerlateqqinneqassaaq.

Aningaasatigut kinguneqaatissat:

Atortussat pisiarinerat nassiunnerilu kr. 0,7 mio. miss. akeqassapput.  
Nunagissaaneq qallersaatissaasalu ilioqqarneqarnerat kr. 8,0 mio. miss. akeqassangatinneqarpoq.

Inatsisitigut toqqammavigisaq:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Teknikkeqarnermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

**Teknikkimi Ataatsimiititaliami aaliangerneq:**

*Ingerlatsiviup Teknikkimut Ataatsimiititaliamut inassutigaa  
Suliap ingerlaqqinnissaa pillugu isummerfigeqqullugu*

**Aaliangiineq:**

Sammissaq tunngaviatigut ataatsimiititaliamit taparserneqarpoq. Tulleriarinikkut suliap unitsiinnarneqannginnissaa ataatsimiititaliap kissaatigaa. Missingersuutit suliarineqarnerani siunnersuutitut ilaanissaa ataatsimiititaliamit kissaatigineqarpoq

**Aningaasaqarnermut Ataatsimiititaliap aaliangernera:**

*Teknikkimi Ataatsimiititaliap Aningaasaqarnermut Ataatsimiititaliamut inassutigaa  
Teknikkimi Ataatsimiititaliap aaliangernera ilalernerqassasoq*

**Aaliangerneq:**

Inassuteqaat akuerineqarpoq. Periarfissat taakkartorneqartut malillugit misissuisoqassaaq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalernerqassasoq

**Ilanngussaq:**

Bilag 006-01: Jørgen Kruse-p (S) siunnersuutaa

**Aaliangiineq:**

**Akuerineqarpoq.**

| Sag nr. | Sammissaq                                                                      | Bilag nr.   | 007 |
|---------|--------------------------------------------------------------------------------|-------------|-----|
| KOM 013 | Upalungaarsimasut pillugit sanaartornermut kontomi nuussinissamut periarfissat | Journal nr. |     |

#### Uteqqiineq:

Ilulissani mittarfissuartaassap atulernissaanut atatillugu kommunip upalungaarsimasuutitaasa kissaatigaat atortuutunut nutaanut pisariaqartunut upalungaarsimasunilu sulisut ilinniartinneqarnissaannut amerlanerusunik aningaasaliisoqarnissaa. Sanaartugassanut 2025-imut aningaasaliissutit tunngavigalugit sanaartornermut immikkoortortaqarfiup nalilerpaa kissaatigineqartoq naaperiarsinnaajumallugu kommunimi ataatsimoorussamik upalungaarsimanermut pilersaarutinit aningaasanik nuussisoqarsinnaasoq. Uani suliami qinnutingineqarpoq sanaartugassanut aningaasaliissutinit nuussinissamik siunnersuutigineqartoq isummerfigeqqullugu.

#### Suliamik saqqummiussineq:

Mittarfissuartaassap 2026-imi ammarneqarneranut atatillugu 2025-imi februarip aallartilaarnerani Ilulissat mittarfissuartaassaata ingerlanneqalernissaanut atatillugu upalungaarsimanerup ataatsimoortumik oqaluuserineqarneranut kommunip upalungaarsimasuutitai peqataasimapput. Ataatsimiinnermi peqataapput politii, qatserisartut, Sermersuumi qatserisartut, Kalaallit Airports, Namminersorlutik Oqartussat aamma Angallannermut qullersaqarfik. Ataatsimiinnermi sammineqarpoq Nuummi mittarfissuup atorneqalerneranut atatillugu misilittakkat aammalu isumagisassat pisariaqartut mittarfimmik ammaannginnermi. Misilittakkat tamakku tunngavigalugit ingerlatsivik maanna tamakkiinerusumik pitsaanerusumillu ilisimasaqalerpoq isumagisassat suut isumagisariaqarnersut mittarfissuartaassap atorneqalernissaa sioqqullugu. Upalungaarsimasuutit inatsisitigut pisussaataapput illersorneqarsinnaasumik suliaqarnissaminut ikuallattoqartillugu, inunnik ajoqusertoqartillugu, illuutini avatangiisinilu ajutoortoqartillugu ajunaarnersuartullu ittunik pisoqartillugu. Tamanna naammassisinnaajumallugu pisariaqarpoq atortuutunik annerusumik pisiniarnissaq, mittarfiup eqqaani nunamilu timmisartumik nakkartoqartillugu isumaginniffiusinnaasumik (behandlingsplads). Tamatumani atortussat pisariaqartut tassaapput, generatorit sarfaliutit, kiassatit uuliatortut, tupit pullattakkat, akiutit (skålbåre), ikiueqqaarnermi atortut, UTV (nunakkoortut assakaasullit motorillit), kiisalu ajunaarnersuarmi inunnik amerlasuunik ajutoortoqartillugu qatserisartut ikiuisinnaanissaminut ilinniartinneqarnissaat.

#### *Iluarsiiissutissat siunnersuut – suliamik nalilersuineq*

Atortuutunik pisiortornissaq siullertut salliutinneqassaaq, tamakku pissarsiariniarneri sivisusinnaammat, aammalu upalungaarsimasuutit tamakkuninnga atuinissaminut sungiusarneqartussaammata, mittarfiup ammarnissaa sioqqullugu. Taakkua saniatigut M1 qatserutitik pisinissaq pisariaqarpoq. Taakku qatserutit ukioq ataaseq sinnerlugu piniartagaammata piaartumik imissutigineqarnissaat pisariaqarpoq. 2025-imut sanaartugassanut missingersuutit misissorluarneqarneranni nalilerneqarpoq makkuninnga nuussinikkut periarfissaqarsinnaasoq mittarfissuartaassap 2026-imi ammarnissaa sioqqullugu pisariaqartumik iliuusissat naammassineqarsinnaasoq.

| Pilersaarut                    | Missingersuut 2025 | Nuussineq 2025     | Sinneruttut 2025  |
|--------------------------------|--------------------|--------------------|-------------------|
| Qatserutaasiviit               | 1.000.000          | - 1.000.000        | 0                 |
| Brandstation Uummanaq          | 500.000            | - 500.000          | 0                 |
| Nunaqarfinni aqqusinigissaaneq | 2.000.000          | - 1.000.000        | 1.000.000         |
| Biilnik pisineq                | 9.910.000          | - 1.000.000        | 8.910.000         |
| Avatangiisinut Aningaasaateq.  | 1.500.000          | - 500.000          | 1.000.000         |
| <b>Katillugit</b>              | <b>14.910.000</b>  | <b>- 4.000.000</b> | <b>10.910.000</b> |

| Pilersaarut                    | Missingersuut 2025 | Nuussineq 2025     | Sinneruttut 2025 |
|--------------------------------|--------------------|--------------------|------------------|
| Mittarfimmut qatserutit nutaat | 0                  | + 2.500.000        | 2.500.000        |
| Qatserisartut biilii M1        | 0                  | + 1.500.000        | 1.500.000        |
| <b>Katillugit</b>              | <b>0</b>           | <b>+ 4.000.000</b> | <b>4.000.000</b> |

Nuussinerit qulaani taaneqartut malitsigissavaat sanaartugassatut pilersaarutit arlallit 2026-imut kinguartinneqarnissaat:

| Pilersaarut      | Budget 25 | Budget 26 |
|------------------|-----------|-----------|
| Qatserutaasiviit | 0         | 1.000     |

Upalungaarsimasuutitat sulii kissaatigivaat Saqqami, Oqaatsuni Savissivimmilu qatserutaasiviit pitsanngorsarneqarnissaat, tamatumalu kingunerissavaa 2026-imi taamaaqataanik aningaasaliisoqarnissaa.

| Pilersaarut             | Budget 25 | Budget 26 |
|-------------------------|-----------|-----------|
| Qatserisarfik Uummannaq | 0         | 500       |

Upalungaarsimasuutitat sulii kissaatigivaat Uummannami qatserisarfiup pioreersup allilerneqarnissaa matersuarmik nutaamik, tamatumalu kingunerissavaa 2026-imi taamaaqataanik aningaasaliisoqarnissaa.

| Pilersaarut                    | Budget 25 |
|--------------------------------|-----------|
| Nunaqarfinni aqqusinigissaaneq | 1.000     |

Nunaqarfinni aqqusinigissaaneq 2024-imi kinguaattoorfiuvoq, ukiullu siuliani taamaalilluni sanaartornermut aningaasaateqarfimmi atunngitsuukkanik aningaasaqarpoq, 2025-imi aningaasaliinermut atorneqarsinnaasunik. Taamaalilluni nuussineq aappaagu missingersuutitut sunnuteqassanngilaq, 2026-imi aningaasaliissutit kr. 2,0 mio.-it kommunip nunaqarfiini aqqusinigissaanermut atorneqassammata.

| Pilersaarut      | Budget 25 |
|------------------|-----------|
| Biiliniq pisineq | 8.910.000 |

2025-imi aningaasaliissutit amerlanersaat qilersorsimapput eqqagassalerinermut pilersaarutit ataani pisiortornissamut. Taamaattoq kr. 0,5 mio. miss. 2024-imeersuupput, kr. 0,5 mio.-illu 2025-imeersuullutik, taakku nalilerneqarput 2025-imi nuussinermut atorneqarsinnaasutut.

| Pilersaarut                       | Budget 25 |
|-----------------------------------|-----------|
| Avatangiisinut Aningaasaateqarfik | 1.000     |

Namminersorlutik Oqartussat 2025-imi Avatangiisinut aningaasaateqarfimmut qinnuteqaatit unitsissimammattigit kr. 0,5 mio.-it tassanngaaniit aneqarsinnaapput, sinneruttullu qinnuteqaatinut ukiut siuliini akuerisat aallartinneqarnissaannut atorsinnaallutik. 2026-imi naatsorsuutigineqarpoq avatangiisinut aningaasaateqarfiup suliniarneranut nalinginnaasumik kr. 1,5 mio.-nik qinnuteqartoqaqqissinnaalissasoq.

#### Ingerlariaqqinnissaq

Ataatsimiititaliap innersuussut akuerissappagu, taava suliaq Aningaasaqarnermut ataatsimiititaliamut kingornalu Kommunalbestyrelsimut ingerlateqqinneqassaaq.

#### Kingunerisinnaasat:

Oqaluuserisassamik akuersinerup malitsigissavaa, Ilulissani mittarfittaassap atorneqalereernerani timmisartumik nakkartoqassangaluarpat kommunimi upalungaarsimasuutitat illersorneqarsinnaasumik sulingasuarsinnaanissaat.

Aningaasaqarnikkut kinguneqaatissat:

Kisitsisit qulaani takutinneqartut malillugit kr. 4,0 mio.-nik nuussisoqarsinnaavoq.

Inatsisitigut toqqammavigisat:

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maaji 2010-imeersoq
- Kommunini annaassiniarnermut upalungaarsimasut annertussusissaannut minnerpaaffissaat pillugit Namminersorlutik Oqartussat nalunaarutaat nr. 62, 1. novembari 2021-imeersoq

Suliamik isumaginninneq:

Teknikkeqarnermut ataatsimiititaliaq  
Aningaasaqarnermut ataatsimiititaliaq  
Kommunalbestyrelsi

Teknikkimi Ataatsimiititaliami aaliangerneq:

*Allattoqarfiup Teknikkimi Ataatsimiititaliamut inassutingaa  
Sanaartugassanut aningaasaliissutinik kr. 4,0 mio.-nik nuussinissamut siunnersuutit ataatsimiititaliamit akuerineqassasut*

Aaliangineq:

Inassutigineqartoq ataatsimiititaliamit itigartinneqarpoq.  
Annaassiniarnermut atortut qatserutillu piniarnissaanut kr. 4,0 mio. kommunip karsianiik immikkut ittumik aningaasanik qinnuteqarnikkut aningaasalerneqassasoq Teknikkimut ataatsimiititaliamiit inassutigineqarpoq.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa  
Teknikkimi Ataatsimiititaliap aaliangernera ilalerneqassasoq*

Aaliangerneq:

Inassutigineqartoq akuerineqanngilaq.  
Kommunalbestyrelsimut sukumiisumik eqqartugassanngorlugu aammalu inatsisit naapertuuttussaanerat tunngavigalugu aaliangigassanngortinneqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 007-01: Takussutissat Sermersooq Kommunimiit  
Bilag 007-02: Omplaceringsskema

Aaliangiineq:

**Inassuteqaatit itingartinneqarput. Aningaasat karsimiit aaneqassapput, uani peqqutaavoq atortut pingineqarnissaat isumannaallisaaneq eqqarsaatingalungu qulakkeerneqassammat. Aningaasanik killiffik tassanilu inatsisit naammassinissanut sulinissaq juunimi killiffissiornermi kipungasoqassappat aaqqiisoqarnissanut siunnersuusiortoqassooq.**

| Sag nr. | Sammisag                                                                    | Bilag nr.   | 008 |
|---------|-----------------------------------------------------------------------------|-------------|-----|
| KOM 014 | Sanaartornermut konto-miit aningaasaliissutinik nuussinissamut periarfissat | Journal nr. |     |

### Uteqqiineq:

Grønlands Erhverv (GE) Avannaata Kommunanut saaffiginnissuteqarpoq ernumassutigalugu sanaartornerup appariarnissaata najukkani inuussutissarsiornermik ingerlatalinnut ajortumik kinguneqarnissaa pillugu. Tamatumunnga atatillugu sanaartornermut immikkoortortaqaarfik piumaffigineqarsimavoq misissueqqullugu, entreprenørit suliaasaannik amerlanerusunik aallartitsisoqarnissaanut periarfissaqarnersoq, taamaaliornikkut kommunimi inuussutissarsiornermik ingerlatallit tapersersorniarlugit. Sanaartugassatut 2025-imut missingersuutit tunngavigalugit sanaartornermut immikkoortortaqaarfiup nalilerpaa, sanaartornermut aningaasaliissutit ilaannik nuussisoqarsinnaasoq pilersaarusiornermut atugassat ilaannik entreprenørit suliaasaannut, kissaatigineqartoq naaperiarumallugu. Uani suliami qinnutingineqarpoq nuussinissamut periarfissat sanaartugassallu pineqartut isummerfigeqqullugit.

### Suliamik saqqummiussineq:

GE 10. februar 2025 pisortatigoortumik Avannaata Kommunanut allagaqarluni saaffiginnippoq qulequtaralugu *Sanaartornerup appariarnerata najukkani inuiaqatigiit sunnissavai*. Malitsigisaanik 14. februar borgmesteri GE-lu sammisag pillugu ataatsimiipput.

Ernummatigineqartoq unaavoq, Kalaallit Nunaanni sanaartornerup iluani suliaasat ikilinerat, tamannalu suliaqarfinnut inuuniarnermilu atukkanut pitsaanngitsumik sunniuteqassasoq. Tamatuma sunniutigisinnaasai pitsaanngitsut sapinngisamik appasinnerpaaffiiniitikkumallugit Avannaata Kommuniata 2025-imi entreprenørit suliaasaat aallartinneqarsinnaasut misissuataaqqikkumasimavai.

Ukiog manna sanaartugassanut missingersuutit naluneqanngitsutut qaffasittorujussuarimiipput ukiut siuliinut sanilliullugit, taamaalilluni kommunimi sanaartortoqarnissaa pingaarnersuinermi salliutinneqareerluni.

Taamaakkaluartoq missingersuutit iluanni entreprenørit suliaasaqarnissaat tapersersorniarlugu nalilersorneqarpoq, sanaartugassanut aningaasaliissutaareersut pilersaarusiornernut angisuunut atorneqartussat ilaat suliariumannittussarsiuussassanut nuunneqarsinnaanerat.

Pingaartumik matumani pineqarpoq pilersaarusiornernit anginerusut soorlu *Sanaartorfissagissaaneq Ilulissat Kujasinnerusortaa, Ilulissani Qinnunguit qinnguata nunniorneqarnissaa, Ilulissani umiarsuliavik pillugu pilersaarut*, kiisalu *Upernavimmi eqqakkanik tigooqqaavik*. Taakkununnga aningaasaliissutit ilaat allanut nuunneqaraluartut, taamaattoq 2025-imi taakku pilersaarusiorneqarnerat ingerlatiinneqarsinnaavoq.

Illuatungaatigut naatsorsuutigineqarpoq, aningaasaliissutit taaneqareersut ilaannik nuussinikkut, sanaartugassat/entreprenørit suliaasaat amerlanerusut 2025-imi ingerlanneqarsinnaasasut, soorlu *Ilulissani kalaalimineerniarfik, Uummannami ilinniartitsisup illua, Upernavimmi erngup aqqutai, Innaarsunni ilinniartitsisup illua, Qaanaami atuarfik* kiisalu *Oqaatsuni atuarfik*.

### *Iluarsiiissutissatut siunnersuut – suliamik nalilersuineq*

2025-imi sanaartugassanut missingersuutit misissoqqissaareerlugit nalilerneqarpoq, aningaasaliissutinik nuussinerit matuma ataaniittut akuerineqarpata, sanaartornerit amerlanerusut piffissami pilertornerusumik aallartinneqarsinnaasasut.

| Pilersaarut                           | Missingersuut 2025 | Nuussineq 2025     | Sinneruttut 2025 |
|---------------------------------------|--------------------|--------------------|------------------|
| Sanaartorfissagissaaneq Ilulissat Syd | 2.000.000          | - 1.200.000        | 800.000          |
| Qinngunnguit nunniornissaa Ilulissat  | 1.500.000          | - 1.000.000        | 500.000          |
| Umiarsualivik pilersaarut Ilulissat   | 2.500.000          | - 1.000.000        | 1.500.000        |
| Eqqakkanut tigooqqaavik Upernavik     | 2.000.000          | - 1.000.000        | 1.000.000        |
| <b>Katillugit</b>                     | <b>8.000.000</b>   | <b>- 4.200.000</b> | <b>3.800.000</b> |

| Pilersaarut                       | Missingersuut 2025 | Nuussineq 2025     | Sinneruttut 2025  |
|-----------------------------------|--------------------|--------------------|-------------------|
| Kalaalimineerniarfik Ilulissat    | 0                  | + 1.800.000        | 1.800.000         |
| Ilinniartitsisup illua Uummannaq  | 1.500.000          | + 500.000          | 2.000.000         |
| Erngup aqqutai Upernavik          | 300.000            | + 200.000          | 500.000           |
| Ilinniartitsisup illua Innaarsuit | 600.000            | + 600.000          | 1.200.000         |
| Atuarfik Qaanaaq                  | 1.000.000          | + 500.000          | 1.500.000         |
| Atuarfik Oqaatsut                 | 4.265.000          | + 600.000          | 4.865.000         |
| <b>Katillugit</b>                 | <b>7.665.000</b>   | <b>+ 4.200.000</b> | <b>11.865.000</b> |

Nuussinerit qulaani taaneqartut malitsigissavaat sanaartugassatut pilersaarutit arlallit 2026-imut kinguartinneqarnissaat:

| Pilersaarut                       | Budget 25 | Budget 26 |
|-----------------------------------|-----------|-----------|
| Sanaartorfissagissaaneq Ilulissat | 800       | 1.200     |
| Kujasinnerusortaani               |           |           |

2025-ip ingerlanerani siunnersuisarfik NIRAS aallarniutaasumik isumassarsiamik saqqummiussissaaq. Tamanna tunngavigalugu ukiup naalernerani missingersuutit pillugit isumasioqatigiinnermi aalajangerneqassaaq, pilersaarusiornermut aningaasat qanoq amerlatigisut 2026-imut immikkoortinneqassanersut.

| Pilersaarut                                   | Budget 25 | Budget 26 |
|-----------------------------------------------|-----------|-----------|
| Qinngunnguit qinguata nunniornissaa Ilulissat | 500       | 1.000     |

Sanaartornissamut pilersaarut tigussaasoq qularnaarneqassaaq siunnersuisarfik atorineqartoq isumasioqatigalugu. Tamatuma kingorna aallarniutaasumik titartakkt siunnersuutit aningaasartuutissatullu missingersuutit 2025-ip ingerlanerani suliarineqassapput. Tamanna tunngavigalugu pilersaarusiornermut annertunerusumut 2026-imut taamaaqataanik aningaasaliisoqassanersooq missingersuusiortuni isumasioqatigiinnissami paasinarsissaaq.

| Pilersaarut                           | Budget 25 | Budget 26 |
|---------------------------------------|-----------|-----------|
| Umiarsualivimmi pilersaarut Ilulissat | 1.500     | 1.000     |

2025-ip ingerlanerani siunnersuisarfiup Rambøll-ip aallarniutaasumik isumassarsiaq saqqummiutissavaa. Tamanna tunngavigalugu pilersaarusiornermut annertunerusumut 2026-imut taamaaqataanik aningaasaliisoqassanersooq paasinarsissaaq.

| Pilersaarut                       | Budget 25 | Budget 26 |
|-----------------------------------|-----------|-----------|
| Eqqakkanut tigooqqaavik Upernavik | 1.000     | 1.000     |

2025-ip ingerlanerani siunnersuisarfik Rambøll suleqatigalugu qeqertamut nunniornissamut atatillugu misissueqqaarnerit aningaasatigullu naatsorsuinerit ingerlanneqassapput. Tamanna tunngavigalugu pilersaarusiornermut annertunerusumut 2026-imut taamaaqataanik aningaasaliisoqarnissaa paasinarsissaaq.

*Ingerlariaqqinnissaq*

Ataatsimiititaliap innersuussut akuerissappagu, taava suliaq Aningaasaqarnermut ataatsimiititaliamut kingornalu Kommunalbestyrelsimut ingerlateqqinneqassaaq.

Kingunerisinnaasat:

Akuersisoqarpat malitsigissavaa, sanaartugassat pilersaarutit arfinillit ukioq manna suliariumannittussarsiuunneqartussat pisariaqartumik aningaasaliiffineqassasut, sanaartormik ingerlatsisussamik isumaqatigiissuteqarnissaq siunertaralugu. Aningaasanik nuussinerup malitsigissavaa aningaasat toqqaannartumik ukioq manna sanaartormik suliffiutilinnut akiliutigineqassasut, GE-mit kissaatigineqartutut.

Aningaasatigut kinguneqaatissat:

Aningaasaliissutinik nuussisoqassappat, sanaartugassat suliariumannittussarsiuunneqartussanut arlalinnut missingersuutit qaffassapput, taamatullu atuinerup qaffasinnissaa naatsorsuutigineqarluni. Taamaangippat sanaartugassanut arlalinnut missingersuutit appassapput, aningaasallu ukioq manna atornissaat ajornakusuussalluni, suliat pineqartut annertussusii/ajornakusuussusii pissutaallutik. Aningaasaliissutinik nuussinissaq sumiiffikkaartumik aningaasaliissutinik agguariaatsimut annikittuaraannarmik sunniteqassaaq, aningaasallu annikittuinnaat Ilulissaniit sumiiffinnut allanut nuunneqassallutik.

Inatsisitigut toqqammavigisat:

- Kommunalbestyrelsiip ataatsimiinnera nr. 12/24 d. 20. december 2024

Suliamik isumaginninneq:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Teknikkimi Ataatsimiititaliami aaliangerneq:

*Allattoqarfiup Teknikkimi Ataatsimiititaliamut inassutingaa*  
*Sanaartormermut aningaasaliissutinik kr. 4,2 mio.-nik nuussinissamut siunnersuut ataatsimiititaliamit akuerineqassasoq*

Aaliangiineq:

Inassutigineqartoq ataatsimiititaliamit itigartinneqarpoq.  
Sanaartugassanut aningaasaliikkat attanneqarnissaat ataatsimiititaliamit pingaartinneqarpoq.  
Aningaasaliissutit kommunalbestyrelsemi ataatsimoorussat akuerineqarsimanermittut ingerlaannassasut inassutigineqarpoq.

Aningaasaqarnermut Ataatsimiititaliap aaliangernera:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa*  
*Teknikkimi Ataatsimiititaliap aaliangernera ilalerneqassasoq*

Aaliangerneq:

Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalrneqassasoq

**Ilanngussat:**

Bilag 008-01: GE-mit allakat  
Bilag 008-02: Omplaceringsskema

**Aaliangiineq:****Akuerineqarpoq.**

| Sag nr. | Sammisag                         | Bilag nr.   | 009 |
|---------|----------------------------------|-------------|-----|
| KOM 015 | Oqaluuserisassatut siunnersuutit | Journal nr. |     |

Uteqqiineq:

Kommunalbestyrelsimut ilaasortat siunnersuutitik allattoqarfimmut ingerlatittarpaat, suliallu qanoq ingerlanissaannik allattoqarfik nassuiaasarpog.

Uani suliami ilisimatitsissutingineqarpoq siunnersuutit qanoq allaffissornermi ingerlaqqissasut.

Suliap saqqummiunnera:

Ileqqusumik ataatsimiinnissaq kingusinnerpaamik ullunik 21-nik sioqqullugu allakkatigut suliassaq oqaluuserineqassasog qinnutigineqarsimappat taanna siullermik ataatsimiinnissami oqaluuserisassanut borgmesterimit ilanngunneqassasog.

Kommunalbestyrelsimut ilaasortat siunnersuutaat sularineqartussat ataatsimiititaliamut ersarissarneqarput.

**#1 Aqqalu C. Jerimiassen (A)**

- A) Ilulissani mittarfiusumi maanna hangarit 2026-ip kingorna mittarfissuag ammareeriarpat Avannaata kommunianit tiguneqarnissaat pillugu siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassasog, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassasog.

**Naammassereersimanissaa:** Kingusinnerpaamik ataatsimiititaliani juni 2025 sammineqareersimassasog.

- B) Ilulissani susasaqartitsineq ukiuunerani qaffassarniarlugu majuartaammik pitaarsinnaaneranut sumiffilerneqarnissaanut qanorlu akeqarnissaanut suliartoqarnissaanik siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassasog, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassasog.

**Naammassereersimanissaa:** Kingusinnerpaamik ataatsimiititaliani juni 2025 sammineqareersimassasog.

- C) Avannaata Kommuniani illut eriaqisat ukioq 2025 Namminersorlutik oqartussanut saaffiginnissutigineqarnissaanut aammalu piiarneqarnissaannut siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassasog, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassasog.

**Naammassereersimanissaa:** Kingusinnerpaamik ataatsimiititaliani juni 2025 sammineqareersimassasog.

**#2 Palle Jerimiassen (D)**

- A) Kommuneplan-imik allannguinnissamik siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassasog, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassasog.

**Naammassereersimanissaa:** Kingusinnerpaamik ataatsimiititaliani juni 2025 sammineqareersimassasog.

**#3 Sakio Fleischer (S)**

A) Uummannami allamik iliveqarfimmik inissiiffiusinnaasumik ujartuinissamut aammalu immikkut aningaasalerneqarnissaanut siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

**Naammassereersimanissaa:** Kingusinnerpaamik ataatsimiititaliani juni 2025 sammeneqareersimassooq.

B) Teriannissap pamianut akingititap assingiimmik akeqalernissaanut siunnersuut

**Ingerlaqqinnissaq:** Suliassaq Inuussutissarsiornermut Ataatsimiititaliamut suliakkiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

**Naammassereersimanissaa:** Kingusinnerpaamik ataatsimiititaliani juni 2025 sammeneqareersimassooq.

**#Ilaasortat sinneri**

Ilaasortat siunnersuutingisimasai imaluunniit apeqquetingisimasai suliarineqarlutik naammassineqarsimapput imaluunniit suliarineqarput.

*Ingerlariaqqinnissaq*

Qulaani siunnersuut taakkartorneqartoq allattoqqarfimmi suliakkiissutaavoq naammassereernissaanullu ullut killiliunneqartut naapertorlungit ataatsimiititaliani susassaqartumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani kommunalbestyrelsip suleriaasissaa nalinginnaasoq 14. marts 2018-imeersoq

Suliamik isumaginninneq:

Aningaasaqarnermut Ataatsimiititaliaq  
Kommunalbestyrelsi

Aningaasaqarnermut Ataatsimiititaliap aaliangnera:

*Allattoqarfiup Aningaasaqarnermut Ataatsimiititaliamut inassutigaa  
Ataatsimiititaliap ilisimatitsissutit qulaani saqqumminneqartut tusaatissatut tingussangai*

Aaliangerneq:  
Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangnera ilaleneqassasoq

Ilanngussat:

|               |                                                                                                                                                                |
|---------------|----------------------------------------------------------------------------------------------------------------------------------------------------------------|
| Bilag 009-01: | Aqqalu C. Jerimiassenip (A) siunnersuutai                                                                                                                      |
| Bilag 009-02: | Palle Jerimiassenip (D) siunnersuutaa, kommuneplan-imik allannguinnissamik siunnersuut                                                                         |
| Bilag 009-03: | Sakio Fleischerip (S) siunnersutaa, Uummannami allamik iliveqarfimmik inissiiffiusinnaasumik ujartuinissamut aammalu immikkut aningaasaliinissamut siunnersuut |
| Bilag 009-04: | Sakio Fleischerip (S) siunnersutaa, Teriannissap pamiuanut akingititap assingiimmik akeqalernissaanut siunnersuut                                              |

Aaliangiineq:**Akuerineqarpoq.**

**Anthon Frederiksenip (N) paaserusuppaa Ilulissani lysregulering pilersinnissaanut siunnersuutaa sumut killinnersoq, Teknikkimi Ataatsimiititaliaq nassuiaassooq suliaq pillungu.**

**Jens-Kristian Therkelsen (S) Ikerasamma oquk pillungu paasisaqarusuppoq, tassunga allakkiaq paasissutissanik imalik ingerlatinneqassooq.**

| Sag nr. | Sammisag                                                                                                                 | Bilag nr.   | 010 |
|---------|--------------------------------------------------------------------------------------------------------------------------|-------------|-----|
| KOM 016 | Nipilersornermut ilinniarfissap Ilulissani illutassaa pillugu oqaluuserisassatut siunnersuut, Jens Ole Nathanielsen (IA) | Journal nr. |     |

Uteqqiineq:

Nipilersornermut ilinniarfissap Ilulissani illutassaa pillugu oqaluuserisassanngortitsisup, Jens Ole Nathanielsen (IA) illu piukkussani, Noah Mølgard-ip aqputaaniittoq B-7 taannaasinnaaneranik siunnersuuteqarpoq.

Uani suliami aaliangiiffingineqassooq siunnersuutip killiffia akuerineqassanersoq.

Suliap saqqummiunnera:

Siunnersuuteqartup Ilulissani nipilersornermi ilinniarfimmik meeqqat 18-liineqanngitsut atuarnermi saniatigut innuttaasullu nipilersortarfissaannik periarfissinneqarnissaannut pilersitsisoqarnissaa anguniarpaa, ullumikkut Ilulissani taamatut periarfissaqanngimmat.

*Iluarsiiinissamut siunnersuut – sammisamut tunngatillugu nalilersuineq*

Siunnersuuteqartup Nipilersornermut ilinniarfimmil illutassaa piukkussimaavaa Noah Mølgard-ip aqputaani B-7. Siunnersuuteqartup illu pineqartoq Avannaata Kommuniiani allaffittut atorineqartoq ilisimareerpaa. Taamaalluni aamma sammisamut tunngatillugu illu Nipilersortarfittut atorineqarsinnaanera pillugu misissuinerit, allannguisoqassappallu nalilersuinerit pereernikuusut ilisimaneqareerput. Taamaasilluni aamma Nipilersornermut ilinniarfiup allamik illutaqarnissaa suliakkiunneqareerluni, Teknikkikkut Ingerlatsivimmik innersuussisoqarnissaa massakkut sulissutigineqalereersimavoq. Teknikkeqarfiullu Qarsoq designstudio suleqatigalugu Nipilersornermut ilinniarfiususaaq pillugu suleqatigiittoqalereerluni.

*Ingerlariaqqinnissaq*

Inerisaanermut Ataatsimiititaliap siunnersuutip suliarineqarnerani killiffik akuerippangu, sulineq ingerlaannassooq.

Aningaasaqarnermi kingunerisinnaasat:

Missingersuutaareersut iluini ingerlatsisoqareerpoq. 2025 missagersuusiornermi kommunalbestyrelmit sanaartugassatut inassutigineqartut ilaanniippoq Nipilersornermi ilinniarfik, Ilulissat kr. 600.000 aningaasartaqarluni.

Inatsisitigut tunngavigisat aamma toqqammavissiisutut allagaatit:

- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-meersoq.

Suliamik isumaginninneq:

Inerisaanermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Inersisaanermut Ataatsimiititaliami aaliangerneq:

*Inerisaanermut Ingerlatsiviup Inerisaanermi Ataatsimiititaliamut inassutingaa:  
Nipilersornermut ilinniarfissap Iluissani illutassaa pillugu oqaluuserisassatut siunnersuut, qulaanilu  
suleriusissatut allaaserineqartoq malillugu ataatsimiititaliap akuerissangaa.*

Aaliangiineq:

Inassuteqaat akuerineqarpoq. Saniatigut iluarsiinissamut siunnersuut Teknikkeqarfimmut  
tuavisaarutigineqarnissaa Inerisaanermut Ataatsimiititaliamiit innersuussutigineqarpoq.

Aningaasaqarnermut Ataatsimiititaliap aaliangernera:

*Inersisaanermi Ataatsimiititaliap Aningaasaqarnermut Ataatsimiititaliamut inassutingaa  
Inersisaanermi Ataatsimiititaliap aaliangernera ilalerneqassasoq*

Aaliangerneq:

Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussaq:

Bilag 010-01: Jens Ole Nathanielsen (IA) Nipilersornermut ilinniarfissap Ilulissani illutassaa  
pillugu oqaluuserisassatut siunnersuut.

**Aaliangiineq:**

**Akuerineqarpoq. Allannguutaavoq Angajo pilersitsinissap tungaanut periarfissatut  
atorneqassammat.**

| Sag nr. | Sammissaq                                                                                   | Bilag nr.   | 011 |
|---------|---------------------------------------------------------------------------------------------|-------------|-----|
| KOM 017 | Unammiat tikittarnerini madresset pillugit pisinissamut siunnersuut, Lena Ravn Davidsen (D) | Journal nr. |     |

Uteqqiineq:

Kommunalbestyrelsimi ilaasortap Lena Ravn Davidsen (D) unammiat tikittarneranni madrasset pillugit pisinissamik siunnersuuteqarpoq.

Uani suliami aaliangiiffingineqassooq siunnersuut akuerineqassanersoq.

Suliap saqqummiunnera:

Kommunalbestyrelsimi ilaasortap Lena Ravn Davidsen (D) allataa malillugu Ilulissani unniuffiusartuni madrasset pigineqartut amigartut. Nassuaatigaa ukiuni kingullerni Ilulissanut unammiat unnuisarfimmileraagamik madrassissaaleqisalersimasut. Massakkullu haalimiittut, aamma qanganisanngortut 200–missaaniittut pigineqarlersimasut.

Siunnersuuteqartup nassuaanera malillugu, Ilulissani meeqqat unammisaqartaarnermi peqataasartut 400-ut missaaniittartut. Ilulissallu avataanniit tikillutik unammiat 350 – 375 missaanik tikittartut.

Taamaammat siunnersuuteqartup siunissaq eqqarsaatigalugu Ilulissani unnuisarfinni madresseqarneq aaqqiivigineqarnissaa kissaatigaavaa. Meeqqallu peqataasartut amerliartuinnarmata, madrasset Ilulissani pigineqartut ilaneqarnissai piaartumik sulissutigeqquaa.

*Iluarsiiinissamut siunnersuut – sammisamut tunngatillugu nalilersuineq*

Iluarsissuutitut siunnersuutigivaa, unammiarlutik Ilulissanut tikittartut eqqarsaatigalugit, aamma meeqqat sammisaqartittarneranni pitsaaliuinnermut tunngassuteqarmata siunnersuut taperseerineqarnissaa. Haalimilu madrasenik pisinissaq sulissutigisariaqartoq unnerluni.

*Ingerlariaqqinnissaq*

Siunnersuut akuerineqarpat, aasamut arsaattaatsinissamut pilersaarutaareertoq eqqarsaatigalugu, peqataasussallu meeqqat Ilulissanut arsaattaartinneqartussat nalunaarutigineqareersumasut malillugit, meeqqat 375-it tikittussanngoreersimapput. Taamaammat siusinaartumik nallerussiivallaaranilu madrasset amigarneri iliuuseqarfigiqarfigineqarnissai siunnersuuteqartup kissaatigivaa.

Aningaasaqarnermi kingunerisinnaasat:

Siunnersuuteqartup madrasinik pisinissamut akuersisoqarpat, aningaasat taakkununga atorneqartussat 50-75.000 kr. Missaaniissasut taggissimavai.

Inatsisitigut tunngavigisat aamma toqqammavissiisutut allagaatit:

- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq

Suliamik isumaginninneq:

Inerisaanermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Inersisaanermut Ataatsimiititaliami aaliangerneq:

*Inerisaanermut Ingerlatsiviup Inerisaanermi Ataatsimiititaliamut inassutigaa:  
Madrassinik pisinissaq akuerissangaa*

Aaliangiineq:  
Inassuteqaat akuerineqarpoq.

Aningaasaqarnermut Ataatsimiititaliap aaliangernera:

*Inersisaanermi Ataatsimiititaliap Aningaasaqarnermut Ataatsimiititaliamut inassutingaa  
Inersisaanermi Ataatsimiititaliap aaliangernera ilalernerqassasoq*

Aaliangerneq:  
Inassutigineqartoq aningaasaliissutit iluanni aningaasalerneqassasut aaliangiunneqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalernerqassasoq

Ilanngussaq:

Bilag 011-01: Unammiat tikittarnerini madresset pillugit allakkiaq, Lena Ravn Davidsen (D)

**Aaliangiineq:**

**Akuerineqarpoq.**

| Sag nr. | Sammisag                                         | Bilag nr.   | 012 |
|---------|--------------------------------------------------|-------------|-----|
| KOM 018 | Avannaata Kommuniiani TOPI suliniummik tigusineq | Journal nr. |     |

### Uteqqiineq:

Isumaginninnermi Aqutsisoqarfik ulloq 13.1.2025 Avannaata Kommuniannut ilisimatitsivoq suleqatigiinnissamut isumaqatigiisummiittoq TOPI atugarissaarneq pillugu nalilersuinnermut sakkussiaq ingerlanneqarnera ulloq 30.04.2025 atorunnaassasoq. Systemip ingerlaannarnissaa siunertaralugu siunnersuutigineqarpoq.

Uani suliami aaliagiiffigineqassooq TOPI-p ingerlaannarnissaa akuerineqassanersoq.

### Suliap saqqummiunnera:

TOPI, Suliniut Isumaginninnermut Naalakkersuisoqarfiup Avannaata Kommuniatalu februaari 2020-mi suleqatigiinnissamut isumaqatigiisuteqarneratigut akuersissutigineqarpoq, Ilulissanilu ulluunerani paaqqinnittarfinni atuarfimmilu pikkorissaasoqareernerani aamma misilittaasoqareernerani TOPI atugarissaarnermut naliliissutitut atuutilerneqarpoq maannakkullu ulluunerani neqeroorutini tamani atorneqarluni. Sulisut angajoqqaallu tamarmik TOPI atugarissaarnermut naliliissutip atonerar pitsaasorujussuutut misigisimavaat. Meeqqat ataasiakkaat ineriartornerisa aamma piaartumik suussusersineqarneri malitsigisaanillu suliniuteqarfigineqarnerisa naliliiffigineqarnerinut digitaliusumik systemi atorneqarsinnaavoq. Tamatuma saniatigut atuarfiit suliniummut uunga suliassaqaarfiit akimorlugit ingerlanneqartumut ilaatinneqarput digital aqqutigalugu TOPI - systemimut isersinnaapput, meeqqamullu ataatsimut paasissutissat pissarsiaralugit, taamaasilluta ingerlatitseqqiinerit aamma meeqqamut paasissutissanik pappiliaasunik nassiussinerit pinngitsoortippagut.

Isumaginninnermi Aqutsisoqarfik ulloq 13.1.2025 Avannaata Kommuniannut ilisimatitsivoq suleqatigiinnissamut isumaqatigiisummiittoq TOPI atugarissaarneq pillugu nalilersuinnermut sakkussiaq ingerlanneqarnera ulloq 30.04.2025 atorunnaassasoq aamma Isumaginninnermi Aqutsisoqarfimmi Meeqqat Ineriartornerannut Immikkoortortaqarfiani inissisimajunnaassasoq. Inerisaarnermut ingerlatsivik ulloq 14.1.2025 akissuteqarnermigut qisuariarpoq, suliniutip taassuma unitsinneqarnissaa paasiuminaatsinneqarmat.

### *Iluarsiiinissamut siunnersuut – sammisamut tunngatillugu nalilersuineq*

Ulloq 29.1.2025 Isumaginninnermi Aqutsisoqarfik allakkatigut ilisimatitsivoq, suliniummi anguniagaasut anguneqarsimasut aamma naliliisimapput TOPI ingerlanneqarnera kommuninut tunniunneqarsinnaassasoq. Sapaatip akunnerani 7-mi Ramböll-imeersut TOPI atugarissaarnermut naliliissutimik ingerlatsisut aamma Isumaginninnermut Aqutsisoqarfimmiit suliniummi suleqataasoq ataatsimeeqatigivagut, TOPI-suliniutip Avannaata Kommuniannut tunniunneqarnissaa pillugu. Ulluunerani neqeroorutini digitalimik ineriartortinneqarnera nangeqqissavarput, aamma ineriartornerup nassuiarneqarneri pappilianngorlugit anisinneqartartut uterfigeqqissinnaanavianngilagut. Ulluunerani neqeroorutini atorfillit TOPI atugarissaarnermut naliliisummik atuinnermini ingerlarujussuarsimapput, maannakkullu systemip atornissaanut piginnaasaqalersimapput. TOPI atugarissaarnermut naliliisummi meeraq ataaseq inimi sulisunit pingasunit tamanit nalilerneqartarnissaa piumasaqaateqarpoq aamma naggataatigut tamakkiisumik nalilersuisoqartartarnissaa.

Ukiumut marlukkaarluni TOPI - atugarissaarnermut naliliissutit ingerlanneqareernerani meeqqamut pilersuisut aggersarneqartarput aamma suleriartoqarnissaa piumasaqaateqartoqartillugu iliuusissatut pilersaarusiortoqartarpoq. Ingerlanneqarnerata tigunissaa 1.5.2025-miit 46.000 kr.-neqassaaq, aamma ukioq 2026-miit ukiumut akia 71.070-iuvoq, ukiunilu tulluuttuni ukiumut 3%-imik qaffassaaq.

*Ingerlariaqqinnissaq*

Avannaata Kommuniiani ulluunerani neqeroorutini TOPI atugarissaarnermut naliliissut digitaliusoq atorneqaannassappat, ulluunerani neqeroorutini tamani sulinermut atortoq atorneqarluartoq isumannaassavarput. Meeqqamut ataatsimut immikkut pisariaqartitsisumut siunnerfilimmik suliniuteqartarnerit aallartinneqartarnissaat aamma meeqqat ineriartornerat pillugit inatsisit naapertorlugit ukiumut marloriarlutik nalilersorneqartarnissaat angussavarput.

Aningaasaqarnermi kingunerisinnaasat:

Taakku 46.000 kr.-it Siunertani ataatsimoorussani ulluunerani neqeroorutit - Ilulissat - avataaniit kiffartuunneqarnerit Ilulissat-niit aningaasalersoqarneqarsinnaapput, tassani ulluunerani neqeroorutitut nutaanut nuunnissamut 300.000.kr.-it immikkoortinneqarnikuupput, taakkulu tamakkiisumik atorneqarnissaat naatsorsuutiginnngilagut.

Inatsisitigut tunngavigisat aamma toqqammavissiisutut allagaatit:

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersumi § 30 + 31 naapertorlugit

Suliamik isumaginninneq:

Inerisaanermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Inersisaanermut Ataatsimiititaliami aaliangerneq:

*Inerisaanermut Ingerlatsiviup Inerisaanermi Ataatsimiititaliamut inassutigaa:  
Systemip TOPI-p Avannaata Kommuniiani ingerlaannarnissaa siunertaralugu suliniut akuerineqassasoq*

Aaliangiineq:  
Inassuteqaat akuerineqarpoq.

Aningaasaqarnermut Ataatsimiititaliap aaliangernera:

*Inersisaanermi Ataatsimiititaliap Aningaasaqarnermut Ataatsimiititaliamut inassutigaa  
Inersisaanermi Ataatsimiititaliap aaliangernera ilalerneqassasoq*

Aaliangerneq:  
Akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussat:

- Bilag 012-01: Samarbejdsaftale mellem styrelse for forebyggelse og socialeforholde og Avann. Komm.
- Bilag 012-02: Orienteringsskrivelse vedr. udløb af samarbejdsaftale imellem Avannaata Kommunian og Socialstyrelsen for program Meeqqat 0-18 (TOPI)
- Bilag 012-03: Ilisimatitsissutitut allagaq: Avannaata Kommunea aamma Isumaginninnermut Aqutsisoqarfiup akornanni, Meeqqat 0-18 (TOPI) pilersaarut, suleqatigiinnermut isumaqatigiissutip atorunnaarnissaa pillugu.
- Bilag 012-04: Vedr. Orienteringsskrivelse om ophør af TOPI projektet.
- Bilag 012-05: Akissut Socialstyrelsen-miik
- Bilag 012-06: Svarbrev fra 29. febr. fra socialstyrelsen

Aaliangiineq:**Akuerineqarpoq.**

| Sag nr. | Sammisag                                                                                                                            | Bilag nr.   | 013 |
|---------|-------------------------------------------------------------------------------------------------------------------------------------|-------------|-----|
| KOM 019 | Immikkut aningaasaliisoqarnissaannut qinnuteqaat. Atuarfiup AJB, Nukaaqqami atuartut inaanni atortunik kissaateqarneranut tunngasoq | Journal nr. |     |

Uteqqiineq:

Ilulissani Atuarfik Jørgen Brønlundimi nukaaqqami atuartut issiavii nerriviillu aserfallassimaneri peqqutingalugit immikkut aningaasaliissutinik qinnuteqartoqarpoq. Uani suliami aaliangiiffigineqassooq tapiliussatut aningaasaliinissaq akuerineqassanersoq.

Suliap saqqummiunnera:

Ukiuni kingullerni ABJ-mi klassini tamani issiaviit nerriviillu sukkiffiusut annertuumik naammagiliinermik nipilimmik ilinniartitsisuniit angajoqqaaniillu naammagittaalliutigineqartarput. Atortullu pineqartut pitsaanngittuuneranik atuartut atuarfimmeeriaasaannut aammalu atungarissaanerannut sunniuteqartarput. Soorlu atuartut ilikkarsartarnerannut iluarisimaarnerulernissaanullu, atisanillu atortut pineqartut ajoqusiisarnerat annertusiartorpoq. Taamaammat ABJ aturfiani 2025-mi Nukaaqqami, 1 – 3 klassit, sikkerfik aammalu Krea issiavinnik nerrivinnillu pissarsiarineqarnissai kissaatigineqarput.

*Iluarsiinissamut siunnersuut – sammisamut tunngatillugu nalilersuineq*

Immikkut aningaasaliinissaq pisariaqartinneqarpoq, peqqutigalugu atuarfimi atuartut klassiini atortut issiaviit nerriviillu aserfallassimaneri. Aamma atuartut atuarfimmeeriaasaannut, ilikkarsartarnerannut aammalu atukkamik atugaqarnissaannut tunngasuummata, atuartullu ineriartortinneqarnerannut aamma tunngatinneqarsinnaallutik. Aatuartitsinermilu atortut pineqartut nutaanngilivallaarsimanerat pissutigalugit.

*Ingerlariaqqinnissaq*

Immikkut aningaasaliisoqassappat, taava 1 – 3 klassit, sikkerfik aammalu Krea issiaviit nerriviillu ullutsinnut naleqquttut atuartut pineqartunut atortorissaarnerulersitsissagaluarput.

Aningaasaqarnermi kingunerisinnaasat:

Immikkut aningaasaliinissamut qinnutigineqarneq katillugit kr. 332.640 naleqarpoq. Immikkoortikkaannilu missingersuinerit imatut isikkoqarput; issiaviit 120-t kr 149.600 taavalu nerriviit 60-it kr. 184.560 naleqarlutik.

**Allattoqarfiup Aningaasaqarnermut Ataatsimiititaliaq inassutigaa, aningaasat karsimiik aaneqarnatik missingersuutit iluanneereersuniik aaneqassasut. Tamanna missingersuuserisarnermut inatsit malinneqarnissaanik siunertaqarpoq.**

Inatsisitigut tunngavigisat aamma toqqammavissiisutut allagaatit:

- Atuarfik pillugu Inatsisartut inatsisaat nr. 15, 3. december 2012-meersoq

Suliamik isumaginninneq:

Inerisaanermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Inersisaanermut Ataatsimiititaliami aaliangerneq:

*Allattoqarfiup Inersisaanermi Ataatsimiititaliamut inassutingaa  
Immikkut aningaasaliisoqarnissanut qinnuteqaat akuerineqassasoq*

Aaliangiineq:  
Inassuteqaat akuerineqarpoq.

Aningaasaqarnermut Ataatsimiititaliap aaliangernera:

*Inersisaanermi Ataatsimiititaliap Aningaasaqarnermut Ataatsimiititaliamut inassutingaa  
Inersisaanermi Ataatsimiititaliap aaliangernera ilalernerqassasoq*

Aaliangerneq:  
Aningaasaliissutit iluanni aaneqassasut akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalernerqassasoq

Ilanngussaq:

Bilag 013-01:                   AJB-mi aningaasatigit tapiissutigineqartussat qinnuteqaatit maj 2024 tunngavigalugu

Aaliangiineq:

**Aningaasaqarnermut Ataatsimiititaliap inassutaa itingartinneqarpoq.  
Aningaasaqarnermut Ataatsimiititaliami aaliangerneq toqqammaviussooq.**

|         |                                                 |             |     |
|---------|-------------------------------------------------|-------------|-----|
| Sag nr. | Sammisag                                        | Bilag nr.   | 014 |
| KOM 020 | Naatsorsuutit ukioq 2024-nut killiffiugallartog | Journal nr. |     |

Uteqqiineq

Naatsorsuutit maleruagassat malillugit naammassineqartarnerat ulloq 15. september kingusinnerpaamik pisussaavoq. Ukioq 2024-mut inaarneqarnerat pilersaarut malillugu kommunalbestyrelsip 12. september 2025-voq. Uanilu allattoqarfiup saqqummiussai oqallisingineqassapput isummerfingineqarlutillu.

Suliap saqqummiunnera

Ukioq manna Kommunalbestyrelsimut qinersisoqartussaavoq, pissusissamisoorporlu maannakut Kommunalbestyrelsip ukioq 2024 naatsorsuusiorfiusoq killiffiugallartog paasisallugu. Pilersaarutit malillugit ukioq 2024 naatsorsuusiorfiusoq 21. Februar 2025 matuneqartussaavoq, pilersaarutillu malillugit naatsorsuutit oqaaseqaataat ilanngullugit kukkunersiuisunut tunniunneqassaaq misissugassanngorlugu martsip qiteqqunnerata missaani. Annertuunik aaqqiisoqassatillugu piffissaatillugu aaqqissorneqartarput kukkunersiuisut peqatigalugit, tamannalu suleriuseq nalinginnaasuvoq. Ukioq 2021-mi naatsorsuuserisarnermut inatsit allanngornerata kingorna piffisaqartitsinissaq kukkunersiuisut naatsorsuusiorfiusoq pillugu oqaaseqaataat inaarinnermi ilaatinneqartartussaammat, siusissukkut allaffissornikkut suliarineqartarpoq, maleruagassallu malillugit 15. September sioqqullugu tamarmik naammassineqareertussaapput. Inaarutaasumillu saqqummiunneqalerpat sukumiisumik nassuiaatit siunertakkaartuni ataatismiitaliani suliarineqassapput, ukioq manna septemberip aallartinnerani. Tulliuttumilu killiffiugallartumik pingaarnerit eqikkarlugit nassuiaatit saqqummiunneqarput.

| Atuineq<br>ingerlatsivikkuutaartuni                           | 2023<br><br>Naatsorsuutit<br>(kr. 1.000) | 2024<br><br>Missingersuutit<br>siulliit | 2024<br><br>Nuussinerit | 2024<br><br>Ilassutit | 2024<br><br>missingersuutit<br>tamakiisut | 2024<br><br>Atuineq | 2024<br><br>Sinneri                                                                                                  | 2024<br><br>%-<br>nngorlugit |
|---------------------------------------------------------------|------------------------------------------|-----------------------------------------|-------------------------|-----------------------|-------------------------------------------|---------------------|----------------------------------------------------------------------------------------------------------------------|------------------------------|
| Aningaasaqarnermut<br>Ataatsimiititaliaq                      | 174.276                                  | 159.461.769                             | 0                       | 18.644.300            | 178.106.069                               | 180.156.775         | -2.050.706                                                                                                           | 101,2                        |
| Ilaqutareeqarnermut<br>Ataatsimiititaliaq                     | 353.749                                  | 328.391.567                             | -600.000                | 16.008.565            | 343.800.132                               | 352.277.251         | -8.477.119                                                                                                           | 102,5                        |
| Inuusutissarsiornermut<br>Ataatsimiititaliaq                  | 18.966                                   | 20.541.536                              | 0                       | 7.348.500             | 27.890.036                                | 38.179.597          | -10.289.561                                                                                                          | 136,9                        |
| Teknikkimut Ataatsimiititaliaq                                | 78.617                                   | 70.495.120                              | 2.600.000               | 8.413.000             | 81.508.120                                | 73.810.543          | 7.697.577                                                                                                            | 90,6                         |
| Inerisaanermut<br>Ataatsimiititaliaq                          | 306.088                                  | 308.337.000                             | 600.000                 | 3.700.000             | 312.637.000                               | 309.089.232         | 3.547.768                                                                                                            | 98,9                         |
| Ingerlatsinermut<br>inernerusog                               | 931.696                                  | 887.226.992                             | 2.600.000               | 54.114.365            | 943.941.357                               | 953.513.399         | -9.572.042                                                                                                           | 101,0                        |
| Sanaartorneq (TEKAT)                                          | 85.948                                   | 89.320.000                              | -2.600.000              | 16.000.000            | 102.720.000                               | 89.617.278          | 13.102.722                                                                                                           | 87,2                         |
| Isertitat (ØKO)                                               | -1.045.853                               | -1.116.170.752                          | 0                       | 14.429.107            | -1.101.741.645                            | -1.105.912.163      | 4.170.518                                                                                                            | 100,4                        |
| Ingerlatsinermut<br>inernerusog, Sanaartorneq<br>ilanngullugu | -28.209                                  | -139.623.760                            | 0                       | 84.543.472            | -55.080.288                               | -62.781.486         | 7.701.198                                                                                                            | 114,0                        |
| Nikeraataasut (ØKO)                                           | -5.955                                   | 67.012.000                              | 0                       | 0                     | 14.150.000                                | -13.874.632         | Aningaasaatit<br>qaffariaateqarput kr. 76,7<br>mio.-ninik, katillugit ukiup<br>naanerani kr. 118,7 mio.-<br>millutik |                              |
| Nikeraataasut ilanngullugit                                   | -34.164                                  | -72.611.760                             | 0                       | 84.543.472            | -40.930.288                               | -76.656.118         |                                                                                                                      |                              |
| Aningaasaatit ukiup<br>aallartinnerani                        | 7.902                                    | 42.066.710                              |                         |                       | 42.066.710                                | 42.066.710          |                                                                                                                      |                              |
| Aningaasaatit ukiup<br>naanerani                              | 42.066                                   | 114.678.470                             |                         |                       | 82.996.998                                | 118.722.828         |                                                                                                                      |                              |

Naatsorsuutaagallartut ukioq 2024-mut takutippaa ingerlatsinermut aningaasartuutit isertitanut sanilliullugit aningaasartuutikiffiunerusoq kr. 7,7 mio.-ninik. Ataani lu nassuiarneqarpoq ingerlatsinermut aningaasartuuteqarfiit isertitallu assigiinngissutaat.

Aningaasarsianut aningaasartuutit ingerlatsivinni tamakkiisumik aningaasaliissutini kr. 547,9 mio.-niusuni kr. 548,4 mio.-nit atorneqarput, taassa kr. 0,415 mio.-ninik atuivallaartoqarluni, pingaarnertut akunnermusialinni pivoq.

Isertitani akileraarutini kr. 530,8 mio.-niusuni kr. 8,0 mio.-ninik isertitaqarfiunerugallartut nalunaarsorneqarput, tassa kr. 538,8 mio.-niniilluni, pingaarnertut suliffeqarfiit akileraarutaat missingersuusianiik annertunerummata kr. 4,5 mio.-ninik. Inummut akileraarutinit isertitat tamakkiisumik sulii akileraartarnermut pisortaqaqfimmik tunniunneqanngillat, killiffisiuinnermi.

Inernerusup takutippaa kr. 62,8 mio.-ninik sinneqartooruteqartoq, naak missingerneqaraluartoq kr. 55,1 mio.-ninik sinneqartuussalluni.

Kommunip akiligassai massakkumuugallartoq ukioq pineqartumi katillugit kr. 3,3 mio.-niupput, taakkunani kr. 3,0 mio.-nit utaqqitinneqarput ulloq unnuarlu angerlarsimaffinni inissinneqarsimasut akiligassaliorneqarsimasut akiligassarinagit aaqqiivigineqarnissaat utaqqineqarmat, sinnerilu kr. 0,3 mio.-nit ukioq pineqartup matunnginnerani naammassiniarneqarput.

Nikeraataasut naatsorsuutigineqassaaq nikisitsilaarsinnaanerani inaarutaasumi.

Ullumikkut aningaasaatit ajunngitsumik ingerlapput agguaqatigiisillugu aningaasartuutit annertuut peereerlugit kr. 130,0 mio.-nit missaaniittarput.

### **Aningaasaqarnermut Ataatsimiititaliaq**

Aningaasaqarnermut Ataatsimiititaliap ataani akisussaaffiit ukuusuni akileraarutitigut, tapiisutini isertat, Qinikkanut aningaasartuutit, allaffissornikkut, IT-qarnikkut akimorlugulu sulliffiusuni killiffiugallartumi eqikkarlugit pingaartumik sinaakkusiussami kr. 187,1 mio.-niusuni atuneq procentinngorlugu 101,2-miippoq, ataani lu nassuiaatigineqarput.

Illoqarfinni ataatsimiititalianut aningaasaliissutit atuinikiffiupput, pingaartumik Ilulissani 32,7%-miilluni, Uummammanilu 6,3%-miilluni. Peqqutit ilagivaat ulluinnarni suliarinninniarnermi sulisoqarnikkut ilaasortaqaqnikkullu nikittoqarsimaneranik anguniakkat kinguaattorsimammata.

Sullissiveqarfinni tamakkiisumik aningaasaliissutini, pingaartumik akissarsianut qaammammusialinni Upernavimmi akunnermusianilu nunaqarfiit ilaanni aammalu Qaanaami qaangiiffiuvoq. Taakualu sumiiffiit annertuumik sullissinissamut naammassiiniarnermi unammillernartumiittarput, taamaattumillu vikareqartitsinerit ilaatigullu qaangiuttoorlutik sulisariaqartarnerit peqqutaanerpaapput, tamakkiisumilli sullissiveqarfiinut aningaasaliissutit kr. 1,0 mio.-ninik atuinikiffiupput, qitiusumillu allaffeqarfimmi kr. 2,9 mio.-nit missaani qaammammusialinni qaangiiffiulluni. Nalikiilliliinerit aningaasaliissutaasut kr. 5,0 mio.-nini nalikiilliliissutit kr. 6,7 mio.-niupput. Uani ukioq naatsorsuusiortiusumi akiliisitsiniartarfik peqatigalugu nutaangilisimasut iuarsartuunneqarneri peqqutaavoq atuineruffiusumik. Taammaatumik Aningaasaqarnermut Ataatsimiititaliap ataani tamakkiisumik katillugit kr. 2,0 mio.-ninik qaangiissoqarpoq.

### **Ilaqutareeqarnermut Ataatsimiititaliaq**

Ilaqutareeqarnermut ingerlatsivimmi aningaasaliissutaasut kr. 343,8 mio.-niusuni atuneq maannamuugallaartoq kr. 352,3 mio.-miippoq, tassa kr. 8,5 mio.-ninik atuinikinnerulluni.

Uanili maluginiagassaavoq aningaasaliissutini atuneq allatut isikkoqalerat. Ukioq 2024-mut missingersuutinit atuinikinnerusoqarlualartoq, kingumut aaqqiissusiortoqarnerani atuneq qaangiisutut isikkoqalissammat.

Meeqqat angerlarsimaffiup avataanut inissinneqarsimasut angajoqqaatut oqartussaassuseqartut 2014-mi Qaasuitsup kommuniussimasumi najugaqarunnaarsimapput. Tamanna tunngavingalugu kommuni nuuffigineqartoq akuersineratigut 2023-mi kingumut 2018-mut akiligassaliortoqarpoq 11,3 mio. naleqartunik. Kingorna kommuni akiliiumajunnarpoq, suliarlu Naalakkersuisoqarfimmut aalajangingassanngortinneqarluni.

Naalakkersuisoqarfik januar 2025-mi aalajangerpoq, akiligassaliarneqarsimangaluartut Avannaata Kommuniata akisussaaffigissangai, meeqqat angerlarsimaffiup avataanut inissinneqarsimasut innarluutilittut nalunaarsugaasimammata aammalu suliat kommunimut akiligassaliortfigineqartumut taamanikkut nassiunneqarsimanerat takussutissaqanngimmat.

Akilgassaliarineqarsimangaluartoq taamaalluni allaffissornikkut aqqivigineqartussanngorpoq taannalu 2024-mi matussusiineq atuertut naqinneqartariaqarluni systemikkut aqqiivigineqassappat. Taakkualu saniatigut 2023 kingorna suliamut tassunga tunngassuteqartut akiligasat Pisorta qarfiup aaliangernissaa utaqqineqarluni uninngatinneqarsimasut akilerneqartussanngorlutik kr. 4,3 mio. Annertussuseqartut, tassa katillugit kr. 15,6 mio.-nit pineqarlutik. Aningaasartuuteqarfiunerpaasartut iluanni, tassa utoqqarnik sullissinnermi utoqqaat illui atuiffiunerusimavoq katillugit kr. 3,0 mio.-ninik, aammalu najugaqatigiiffinni kr. 2,5 mio.-ninik atuiffiunerulluni. Sinnerimi siunertaqarfiusuni amerlanerit sinaakkutit iluanni ingerlanneqarsimapput. Ilaqutareeqarnermut ingerlatsiviup ataani tamakiissumik aamma ulloq unnuarlu angerlarsimaffiit ilanngullugit katillugit kr. 3,037 mio.-nit kreditnota-t utaqqineqarput.

### **Inuussutissarsiornermut Ataatsimiititaliaq**

Inuussutissarsiornermut ingerlatsiviup ataani aningaasaliissutaasuni kr. 27,9 mio.-niusuni qaangiisoqarpoq, tassa kr. 10,3 mio.-ninik qaangiilluni. Pingaarnertut qaangiingaatsiarnep peqqutigivaa Majoriap ataani ingerlatsiviusuni suliffeerunnermi ikiorsiissutit ataani annertumik aningaasaqartuuteqarfiummat, ilaatigut inatsit allanngornerani ikiorsiissutit qaffiarsimaneri peqqutigalugit. Tamannali aamma inatsit toqqammaviususap iluani ingerlatsisussaarnep misissorneqarnera ingerlanneqarpoq, ilumut inatsimmut naapertuuttumik ingerlatsisoqarneris tamakkiisumik.

### **Teknikkerimut Ataatsimiititaliaq**

Teknikkerimut ingerlatsiviup ataani aningaasaliissutaasut kr. 81,8 mio.-nit iluanni kr. 73,8 mio.-ninik atuiffiuvoq, tassa kr. 7,7 mio.-nit atuinikinnerullutik. Ilulissani ikuallaavik annertuumik atuiffiugaluartoq, tassa kr. 2,1 mio.-ninik, ikualattoorsimanerup kingunerisaanik iluarsanneqarpoq. Taarsiivigineqarnissamullu suliaq sulii naammassinngilaq, aatsaallu upernaap ingerlanerani kingusinnerpaamik naatsorsuutigineqarluni, taamaasilluni qanoq annertutigisumik sillimmasiinnikkut taarsiivigineqassanersoq sulii inissinneqanngikkallarluni. Tamakkiisumik summiiffikkaartuni ilai aamma qaangiiffiugaluartut annertunerit atuinikiffiupput. Ingerlatsiviit annertuumik sukannersumik ingerlanneqarneranut pingaarnertut pequtaavoq aningaasaliissutit iluani ingerlanneqarmata. Eqqagassani assartuussineq pilersaarutit malillugu tamakiisumik ingerlanngitsoorpoq. Taakku suliffeqarfiit assartuisussat assartuutiminnik ajutoornerannik tunngaveqartumik ingerlanngitsoormata, tamakiisumik aningaasaliissutaasut kr. 2,6 mio. Aammalu aappaa ESANI-mut tunngasoq januar 2025-mi naleqartoq kr. 0,809 mio.-ninik kinguaattoorluni ingerlanneqarluni.

### **Sanaartornikkut**

Sanaartornermut aningaasaateqarfimmi 2024-imi missingersuutitut aalajangerneqarsimasunut kr. 102,7 mio.-niusuni atuineq 87,2 %-poq. Atukkat ataatsimut katillugit procentinngortinnera appasikujuppoq ukiumoortumik missingersuutitut sanilliullugu. Tamanna ilaatigut pissuteqarpoq, sanaartortinneqartut ilaat arlallit kinguaattoorfiusimammata, ingammik *Tasiusami ulluunerani paaqqinnittarfiliaq*, *Ilulissat Utoqqaat Illuata suliarineqarnera*, *Ilulissani sanaartorfissagissaaneq* aamma *Qaanaami aqqusinigissaaneq* eqqarsaatigalugit, kiisalu *assakaasulinnik pisinerup* ataani nunnigussissummik pisineq kinguartinneqarsimammat. 2024-imut sanaartornermut aningaasaliissutitut atorineqanngitsoorut, katillugit kr. 13,103 mio. -it Sanaartornermut Aserfallatsaaliuinissamullu aningaasaateqarfimmut ikineqarput, aningaasaliissutillu kinguaattoorfiusunut tunngasut 2025-ip ingerlanerani atorineqarnissat naatsorsuutigineqarpoq. Peqatigitillugu malunginiarneqarpoq, sanaartugassatut pilersaarutit arfineq marluk aningaasaliiffigineqarmata 2023-imiit 2024-imut aningaasaliissutit sinnerinit/missingersuutitut katillugit kr. 7 mio. -inik. Sanaartukkanut tamakkununga ilaapput *Upervavimmi utoqqaat illuat*, *Ilulissani fritidshjemmet*, *Ikerasammi Illu Sullivik/meeqqerivittalik*, *Upervavimmi iliveqarfik*, *Upervavimmi arsaattarfik* *ivigaasaaqqanik qalligaq*, *Qaanaami illut sisamat*, kiisalu *Ilulissani aqqusernit paarlaaffianni qulleq*. Nassuiaatai sukumiisut bilagitut akkiunneqarput.

**Inerisaanermut Ataatsimiititaliaq**

Inerisaanermut ingerlatsivimmi aningaasaliissutaasuni kr. 312,6 mio.-niusuni kr. 309,0 mio.-nit atorneqarput, tassa kr. 3,6 mio.-ninik atuinikiffiulluni. Pingaarnertut meeqqeriveqarfiusuni atuinikiffiuvoq kr. 5,5 mio.-ninik, atorfiit inauttaqanngittarneri peqqutaallutik. Ilulissani atuarfiit annertuumik qaangiigaluartut kr. 5,3 mio.-ninik, tamanna peqquteqarpoq soraarsitsinermi qaammatit pingasut missaani akissarsiaqarallartitsineq pisarpoq aammalu vikareqartitsisariaqartarneq pisariaqartarluni, taamatullu klassit ilai eqqissiviitsunngorsimappata støtteqartitsisariaqartarneq atuummat. Pinaaveersartitsinermut susasaqartitsinissamullu aningaasaliissutit tamakkiisumik atorneqanngillat, tassa kr. 0,796 mio.-t missaat.

**Aningaasaqarnermi kingunerisinnaasaat**

Aningaasaqarnikkut pingaarnertut sanaartornerup iluani atuinikiffiummat, aammalu isertitaqarnerunermi peqquteqartumik missingersuutaasumiik anginerusumik sinneqartoortoqarpoq, naak ilaatigut isumaginninnikkut ukiunut kingumut akiligassiisoqaraluartoq tamakkiisumik nakkutigilluarneqarnerata kingunerivaa, tamannalu aningaasaatigut aamma iluaqutaavoq qaffakkiartornerani. Aningaasaatit tigoriaanaataasut ukiup aallartinneranut sanilliullugu agguaqatigiissitsinermi kr. 130 mio.-nit missaanut qaffariarput, ajunngitsumillu ingerlalluni.

**Inatsisitigut tunngavigisat aamma toqqammavissiisutut allagaatit:**

- Inatsisartut inatsisaat nr. 26, 28. november 2016-meersoq missingersuutilerisarnermi naatsorsuuserisarnermilu.
- Nalunaarusiaq nr. 3, 3. februar 2012-meersoq missingersuutilerisarnermi naatsorsuuserisarnermilu.
- Inatsisartut inatsisaat nr. 13. 1. december 2021-meersoq Kommunit Namminersorlutillu Oqartussat missingersuutaat naatsorsuutaallu aammalu naatsorsueriaatsimik allanngutaat.

**Suliamik isumaginninneq:**

Aningaasaqarnermut Ataatsimiititaliaq  
Kommunalbestyrelse

**Aningaasaqarnermut Ataatsimiititaliap aaliangernera:**

*Allattoqarfiup Aningaasaqarnermut Ataatsimiititaliamut inassutingaa  
Allattoqarfiup naatsorsuutitigut killiffiugallartumik saqqummiussaa akuerissagaa*

Aaliangerneq:  
Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalernerqassasoq

Ilanngussat:

|               |                                                         |
|---------------|---------------------------------------------------------|
| Bilag 014-01: | Balance                                                 |
| Bilag 014-02: | Akiligassat allattorsimaffiat                           |
| Bilag 014-03: | Sulliffeqarfiit akileraarutaanut nalunaarut             |
| Bilag 014-04: | Sanaartornikkut sukumiisut killiffiup nalunaarusiornera |

Aaliangiineq:**Akuerineqarpoq.**

|         |                                      |             |     |
|---------|--------------------------------------|-------------|-----|
| Sag nr. | Sammisag                             | Bilag nr.   | 015 |
| KOM 021 | 2025-mi atuinermi killiffiugallartog | Journal nr. |     |

Uteqqiineq

Kommunalbestyrelsi aaliangernikuuvoq ukiumut sisamariarluni aningaasaqarnerup killiffissiuineq politikkikkut ingerlanneqartassaq. Suliat assigiinngitsut aningaasaliissutit ingerlanneranni killiffiat nalunaarusiornermi allaatigineqartarpoq nassuiaatitalimmik, pingaartumik nikingassutaasinnaasut allaaserinerini. Uani februar killigalugu aningaasaqarnermik killiffissiuineq suliarineqassaaq.

Suliap saqqummiunnera

Ukioq 2025-mi Aningaasaqarneq februar-p naalernerani atuinerup killiffiani paasissutissiissutigineqarpoq. Nalinginnaasumik qaammatit pingasukkaartut siulliat (1. kv.) marts aprilimiluunniit pisaraluarpoq. Uanilu qinersisoqartussaammat, killiffissiuinissaq sulì siusikkaluartog saqqumiunneqarpoq. Sukumiisumik siunertakkuutaartuni aningaasaqarnikkut killiffiit takussutissat ilanngussatut akkiunneqarpoq. Ataatsimiititaliat akisussaaffiisa ataani takussutissiaq tamakiisog saqqummiunneqarpoq.

| SUMIIFFIKKUUTAARNERI                                            | MISSINGERSUUTIT SIULLIIT 2025 | NUUTSITI-NERIT | ILASSUTIT | MISSINGERSUUTIT 2025 | ATUINEQ                                                                            | SINNERI  | ATUINEQ %-NNGORLUGU |
|-----------------------------------------------------------------|-------------------------------|----------------|-----------|----------------------|------------------------------------------------------------------------------------|----------|---------------------|
| Aningaasaqarnermut Ataatsimiititaliaq (ØKO)                     | 178.957                       | 0              | 0         | 178.957              | 27.644                                                                             | 151.313  | 15,4%               |
| Teknikkimut Ataatsimiititaliaq (TEKAT)                          | 85.328                        | 0              | 1.312     | 86.640               | 10.161                                                                             | 76.479   | 11,7%               |
| Inuussutissarsiornermut Ataatsimiititaliaq (INUAT)              | 10.191                        | 0              | 2.876     | 13.067               | 447                                                                                | 12.620   | 3,4%                |
| Ilaqutareeqarnermut Ataatsimiititaliaq (ILAAT)                  | 349.890                       | 0              | 0         | 349.890              | 40.802                                                                             | 309.088  | 11,7%               |
| Inerisaanermut Ataatsimiititaliaq (INEAT)                       | 326.137                       | 0              | 0         | 326.137              | 35.970                                                                             | 290.167  | 11,0%               |
| Ingerlatsinikkut aningaasartuutit                               | 950.503                       | 0              | 4.188     | 954.691              | 115.024                                                                            | 839.667  | 12,0%               |
| Sanaartukkani (Teknikkimi Ataatsimiititaliaq) (TEKAT)           | 122.615                       | 0              | 4.000     | 126.615              | 5.388                                                                              | 121.227  | 4,3%                |
| Ingerlatsineq sanaartornerlu                                    | 1.073.118                     | 0              | 8.188     | 1.081.306            | 120.412                                                                            | 960.894  | 11,1%               |
| Isertitat (Aningaasaqarnermut Ataatsimiititaliaq) (ØKO)         | -1.146.378                    | 0              | 0         | -1.146.378           | -198.305                                                                           | -948.073 | 17,3%               |
| Nikeraataasut sioqqullugit                                      | -73.260                       | 0              | 8.188     | -65.072              | -77.893                                                                            | 12.821   | 119,7%              |
| Nikeraataasut (Sanaart. Ukioq 2024-mi sinneri ilanngull.) (ØKO) | 27.992                        | 0              | 0         | 27.992               | Aningaasaat tigoriaannaatit ukiup naanerani kr. 120,0 mio.-ninut missingerneqarput |          |                     |
| Inernerusog                                                     | -45.268                       | 0              | 8.188     | -37.080              |                                                                                    |          |                     |
| Ukiup aallartinnerani aningaasaatit                             | 82.997                        |                |           | 82.997               |                                                                                    |          |                     |
| Ukiup naanissaanut aningaasaatit                                | 128.265                       |                |           | 120.077              |                                                                                    |          |                     |

Aningaasartuutit agguaqatigiisitsinermi ukiup imaalinerani procentinngorlugu 14,25%-miissaaq. Aningaasaliissutini tamakkiisumik atuineq 11,1%-miippoq. Akissarsianut tamakkiisumik ingerlatsivinni tamani aningaasaliissutit kr. 553,1 mio.-niusuni maannakumut kr. 69,1 mio.-nit atuiffiuvoq, tassa procentinngorlugu 12,5-miilluni. Uani maluginiarneqassaaq Majoriap ingerlanneqarnera Kommunalbestyrelsip januarimi aaliangiussaani aqutsinermut ileqqoreqqusap allannortinnerani Ilaqutareeqarnermut Ataatsimiititaliap ataaniilermat.

Aningaasaqarnermut Ataatsimiititalap akisussaaffii

Aningaasaliissutini tamakiisumi kr. 178,9 mio.-niusuni atuineq 15,4%-miippoq. Qinikkanut aningaasaliissutit kr. 14,2 mio.-niusuni atuineq pissusissamisut ingerlavoq 13,9%-miilluni, naatsorsuutigalugu ukiup ingerlanerani, pingaartumik qinersinissamut aningaasaliisutit aammalu angalanisanut tamakkerlugit atorneqassasut.

Allaffisornikkut aningaasaliissutaasuni kr. 164,8 mio.-niusuni atuineq 13,4%-miippon, sillimmasiinikkut akiligassat annertunerpaat ukiumoortut akilerneqareerput. Akissarsianut aningaasaliissutit pissusissamisut aamma ingerlapput 13,5%-miilluni, sinneri annertuujunngitsut nikerartut atuinikiffiupput, tamannalu ukiup ingerlanerani pilersaarutit malikkaanni pissusissamisut ingerlassasoq naatsorsuutaavoq.

Isertitassani katillugit kr. 1.146,4 mia.-tiusuni akileraarutitut isertitassani qaammammoortuni, januarimoortut kr. 43,7 mio.-nit nalunaarsorneqareerpoq, qaammammut kingumut akileraartarnermut pisoqarfimmiik tunniunneqartarmata februarimoortoq sulil nalunaarsorneqanngilaq. Tapiissutit (Bloktiskud) kr. 617,5 mio.-niusuni qaammatikkaartuni pissusissamisut ingerlapput.

### **Teknikumut Sanaartornermillu Ataatiimiititaliap akisussaaffii**

Teknikumut ingerlatsinerimut aningaasaliissutini kr. 86,6 mio.-niusuni atuineq 11,7%-miippon.

Aningaasarsianut tamakkiisumik aningaasaliissutaasuni kr. 57,1 mio.-nini 13,2%-miippon.

Tigooaraaviinni ikuallaavit Ilulissani ilanngullugu aningaasaliissutit maannakkumuugallartoq aningaasartuutaat appasipput, ilaatigut sulisussaaleqinerit ukiup aallartinneraniik piummata taamaasilluni akissarsianut aningaasaliissutit appasitsitsillutik, tamannali inissikkiartorpoq.

Nunaqarfimmiik illoqarfimmut eqqakkanut assartuussissutit ingerlatsinerimut sulil atuisoqanngilaq, assartuussissut pisiarineqartussaq, tassa sisamaasuni ataaseq ukioq manna, utaqqineqarmat inuttassarsiuussinissarluni ingerlanneqaqqartussaammat.

Suliffeqarfik entreprenøreqarfiit atuinerat pingaartumik akunnermusialinni appasilaarpoq, tassa tigooaraavinnituulli sulisussaaleqinerit piummata, naatsorsuutigineqarporli pissusissamisut ingerlassasoq ukiup sinneranut.

Ukiup imaalinerani ukiuunerani aputaajaanernut aningaasartuutit qaffasinnerusarput maannamullu qaffasipput, aasarneranilu unikaallassallutik ukiup tungaanut.

Anartarfilerinerimut eqqaavilerinermullu tamakkiisumik isigigaanni aningaasartuutit aningaasaliissutitut naleqqiullugit appasinnerupput, tassani ukioq manna aamma qaangiuttoorsinnaanermut aammalu tiimit nalimmassaqqinneqarnerani appasitsitsimmata, ukiulli ingerlanerani aningaasaliissutit malinneqalissasut naatsorsuutigineqarpoq.

### **Sanaartornermut aningaasaateqarfik**

Kontomi atuineq februar-p naalernerani aningaasaliissutit 2025-mi kr. 126,6 mio.-niusuni atuineq 4,3%-miippon.

2024-imi aningaasaliissutit atorineqanngitsoorsimasut kinguaattorneq peqqutigalugu kr. 13,1 mio.-it ilanngullugit Sanaartornermut Aserfallatsaaliuinerimullu aningaasaateqarfik 2025-imi katillugit kr. 139,7 mio. -inik aningaasaliissutit atuisussaavoq nuuttat ataanilu kr. 4,0 mio.-nit ilanngutereerlugit.

Sanaartornerup iluani aningaasaliissutaasuni immikkut ilassutigineqaqqammivoq kr. 4,0 mio.-it, Ilulissani B-906-ip pisiarineqarnissanut atorineqartussanik, taakkulu sulil akiliutigineqanngillat sulil, suliarli ingerlavoq.

Taamatuttaaq konto sulil piffissamit sunnersimaneqarpoq, tassami sanaartornermut aningaasartuutit amerlanersaat aasaanerata nalaani pisarmata, sanaartornermut immikkoortortaqarfiup suleqatigisai, pingaartumik sanaartornermik ingerlatallit kommunip suliasaataanik suliarpassuaqartarlutik ukiarnerata tungaanut, silami nunamik sanaartorfissagissaanerit sanaartukkallu silataasa ingerlanerisa unitsinneqarnissaasa tungaanut.

### **Inuussutissarsiornermut Ataatsimiititaliap akisussaaffii**

Aningaasaliissutaasuni kr. 13,067 mio.-niusuni atuineq 3,4%-miippon.

Suliniutit aningaasartuutaasussat soorlu takornarissanut tunngassuteqartuni pilersinneqartussat suliat piareersarneqartut sulil atuutilinngimmata, piffissamili aasalernerani naatsorsuutigineqarput.

Pikkorissartitsinerit aammalu pikkorissarnissanut tapiissutit sulil atuiffiunngillat. Suliniutitut assigiinngitsunut naatsorsuutigineqarpoq atorfinitsitsisoqareerpat pissusissamisut ingerlallissasut. Ukioq manna isumasioqatigiinnissanut aningaasaliissutit ukiup ingerlanerani aamma aatsaat ingerlanneqassapput. Sullissinerimut tapiissutit januar aammalu februar katillugit kr. 400.000,00 akiligassat Avanna Development-mut uani nalunaarsorneqareerput.

**Ilaqutareqarnermut Ataatsimiititaliap akisussaaffii**

Aningaasaliissutini kr. 349,8 mio.-suni atuineq 11,7%-miippoq, uani Majoriap ingerlanneqarnera ilanngullugu.

Meeqqanut innarluutilinnullu ulloq unnuarlutik angerlarsimaffinni atuineq sukumiisumik nakkutigineqarpoq aningaasaliissutit malillugit nikittoqarsinnaanerani, tassami akisussaasoq meeqqamut nuukkaangata Kommunitumut nuuffiusumut akiligassaq aamma nuutsinneqartarmata. Uanilu meeqqat pingasut Avannaata Kommuniata akiligassarilemnikuuai Uummammut akisussaasoq nuunneratigut. Taamatullu ukioq aallartittoq nutaanik arfinilinnik ilaqqippat ilulissani. Aningaasatigut ilassuteqartoqassanersoq imaluunniit arlaatigut allani aningaasaliissutini aallertoqassanersoq, tamannalu aasernerani ingerlanneqassaaq, allatut nikittoqarsinnaanera eqqarsaatigalugu. Akiligassallit nalunaarsorneqartussat februar tikillugu maanna suliarineqarput.

Pisortatigut ikiorsiissutitut aammalu utoqqalinersiaqartunut atuineq missingersuutit malillugit ingerlanneqarpoq, tassa 14,7%-miilluni

Majoriap ataani ingerlaneqartuni ikiorsiissutit aammalu sulisunngorsaanernut aningaasaliissutit kr. 15,9 mio.-niusuni sulisinnaajunnaarnermi ikiorsiissutit maannamut atuinerat missingersuutaasumiik annertuneruvoq, tamannalu inatsit tunngavigalugu suliat sumiiffikkaartut orninneqarput, suliat eqqortumik suliarineqarnerat misissuiffigineqarluni martsillu ingerlanerani ilitersuinerit sumiiffikkaartuni tamakkerneqariissapput, iluarsaassinerit ilanngullugit.

Uani piffissami Majoriap piginnaanngorsaanermi ingerlanneqartuni kr. 4,5 mio.-nit tapiissutitut isumaqatigiissut Namm. Oqartussat 70%-iat isertinneqareerpoq, sinneralu 30% oktoberip aallartinnerani ingerlanneqassalluni. Taamaasilluni isertinneqareersut pissutigalugit tamakiisumik isiginninnermi appasitsippat.

**Inerisaanermut Ataatsimiititaliap akisussaaffii**

Aningaasaliissutit tamakiisut kr. 326,1 mio.-nini atuineq 11,0%-miippoq.

Meeqqeriveqarnermut ingerlatsineri aningaasaliissutini kr. 91,2 mio.-niusuni atuineq maannamut appasippat, 9,2%-miilluni, taannali peqquteqarpoq februaip naanerani aningaasartuutissat soorlu akissarsiat ingerlasussaapput, killiffiugallartumilu uani ilaangillat, aammalu isertitassat akiligassiissutit uani ilaareemata, qaammatip qiteqqunnerani qaammammut pineqartumut ingerlanneqartarmata. Taamaattumik ataatsimut isigalugu pilersaarutit malillugit ingerlanneqarput.

Atuarfiit ingerlanneqarneranut aningaasaliissutaasuni kr. 178,5 mio.-niusuni atuineq 10,9%-miippoq, tassani aningaasaliissutit annertunerpaartaat akissarsianiippat, uanilu akissarsianut qaammammoortuni aningaasartuutit februarimoortut qaammatip naanerani ingerlanneqassapput. Akunnermusialinni aamma missingersuutit malillugit ingerlanneqarput.

Sunngiffimmi suliniuteqarfiusuni pinaveersaartitsineri susassaartitsinermullu soorlu timersornikkut aningaasaliissutaasuni kr. 55,8 mio.-niusuni atuineq ataatsimut isigalugu agguaqatigiisinnerani 13,9%-miippoq. Ataasiartumik aningaasartuutit soorlu februarimi timersornikkut ilulissani ingerlanneqartumik aningaasartuutit ingerlanneqarput. Ataatsimut isigalugu ukiup sinneranut missingersuutini nikisitsilaarnerit siunertat iluanni tulliani killiffissiuineri ingerlanneqassapput, ataatsimullu aningaasaliissutit iluanni naatsorsuutigineqarpoq ingerlanneqassasut.

**Aningaasaqarnermi kingunerisinnaasaat**

Ukioq 2025-mi aningaasaliissutit atuinerup killiffissiornerani siunertaqarfiit ilai maannamut atuinikiffiugaluartut imaluunniit atuinerugaluartut tamakiisumik aningaasaliissutit malillugit ingerlanneqarpoq. Aningaasaqarneq ajunngitsumik ingerlanneqarpoq, taamaattorli qanimut sukannersumik nakkutigineqartuassalluni, pissusisamisut ingerlannissaa eqqarsaatigalugu.

**Inatsisitigut tunngavigisat aamma toqqammavissiisutut allagaatit:**

- Kommunitaqarneq pillugu inatsisartut inatsisaat nr. 29, 17. november 2017-meersoq
- Kommuunit Namminersorlutik Oqartussat missingersuutaat naatsorsuutaallu pillugit inatsisartut inatsisaat nr. 26, 28. November 2016-meersoq aammalu nr. 13, 1. december 2021-meersoq

**Suliamik isumaginninneq:**

Aningaasaqarnermut Ataatsimiititaliaq  
Kommunalbestyrelse

**Aningaasaqarnermut Ataatsimiititaliap aaliangnera:**

*Allattoqarfiup Aningaasaqarnermut Ataatsimiititaliamut inassutingaa  
Allattoqarfiup killiffissiuinermi nalunaarutaa akuerissagaa*

Aaliangerneq:  
Akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangnera ilalernerqassasoq

**Ilanngussat:**

Bilag 015-01: Siunertakkutaartut takussutissartaa  
Bilag 015-02: Akiligassat allattorsimaffiat

**Aaliangiineq:**

**Akuerineqarpoq.**

|                |                                                                   |                    |            |
|----------------|-------------------------------------------------------------------|--------------------|------------|
| <b>Sag nr.</b> | <b>Sammisaq</b>                                                   | <b>Bilag. nr.</b>  | <b>016</b> |
| <b>KOM 022</b> | <b>Utoqqaat illuanni qerititsivisuartaarnissaanut qinnuteqaat</b> | <b>Journal nr.</b> |            |

Uteqqiineq:

Uani suliami saqqummiunneqarpoq, Ilulissani utoqqaat illuani qerisuusiviup aserorsimanerata kinguneranik allamik pisisariaqalernermi suliap aaliangingassanngorlugu saqqummiunneqarnera. Ilulissanik utoqqaat illuat neqeroorummik pissarsisimavoq, uanilu aaliangerneqassaaq nutaamik imaluunniit atornikumik pisiniarsinnaanissaq.

Sulap saqqummiunnera:

Ilulissani utoqqaat illuata qerititsivia containeriusoq compressoriiarsimavoq, taamaattumik utoqqaat illuata utoqqarnut nerisassiassaatai qerisut Royal Arctic Line qerititsivianik utaqqiissaasumik attartornikkut inissinneqarsimallutik, tamannalu iggavimmi sulisunut kipiluttunartuulluni, ullut tamaasa suliffik qimallugu qerisunik aallertariaqartarneq suliassanut kinguaattoortitsinermik kinguneqartarluni. Aaqqiissutissatut iliuuseqartoqaraluarpoq compressorimik nutaamik tikisitsiniarnikkut, tamannali iluatsissinnaasimanngilaq, qerititsivik containeriusoq qanganisaammat, taamaattumillu kingoraartissai sanaartorneerussimallutik.

*Iluarsiiinissamut siunnersuut – sammisanut tunngatillugu nalilersuineq*

Utoqqaat illuanni qerititsiveqarnikkut atungassarititaasut pitsanngorsarniarlugit iluarsiiinissamut siunnersuutigineqarpoq utoqqaat illuat namminerisamik qerititsivimmik containeriusumik peqalernissaa, atornikooreersumik pisinikkut, imaluunniit aamma nutaarlunnarmik pisinikkut. Tamanna sulinermit sutigut tamatigut oqilisaassillunilu aningaasaqarnikkut pitsaaneruseqarpoq inissisimatitsilertussaammat, maannakkut attartorneq qaammammut akeqarmat. Kommunit pitsaanerpaassammat attartorneq unitsillugu, namminerisamik pisinissaq.

Aningaasaqarnermi kingunerisinnaasat:

Qerititsivik container atornikup nalinga: kr. 178.000,- inkl. fragt  
Qerivitsivik container nutaap nalinga: kr. 220.000,- inkl. fragt

Inatsisitigut tunngavigisat:

- Kommunit aqunneqarnerat pillugu inatsisartut inatsisaat nr. 29, 17. november 2017-meersoq

Suliamik isumaginninneq:

Ilaqutareeqarnermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Ilaqutareeqarnermut Ataatsimiititaliami aaliangerneq:

*Ilaqutareeqarnermut Ingerlatsiviup Ilaqutareeqarnermut Ataatsimiititaliamut inassutigineqarpoq Qinnuteqaatip akuerineqarnissaa, aningaasartuutissallu annertussusissaasa nutaamik, imaluunniit atornikumik pisinissamut ataatsimiititaliaq aalajangeeqqullugu*

Aaliangerneq:

Nalinganut kr. 220.000 nutaamik pisiniartoqassasoq ataatsimiitsitaliap aalajangiuppa. Aningaasat aningaasaliissutaareersut iluanni ujartorneqassapput.

Aningaasaqarnermut Ataatsimiititaliap aaliangnera:

*Ilaqutareeqarnermut Ataatsimiititaliap Aningaasaqarnermi Ataatsimiititaliamut inassutingaa  
Ilaqutareeqarnermut Ataatsimiititaliap aaliangnera ilalernerqassasoq*

Aaliangerneq:  
Akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangnera ilalernerqassasoq

Ilanngussat:

Bilag 016-01: Utoqqaat illuanniit qinnuteqaat, NDO Supply A/S neqeroorutaa ilanngullugu  
Bilag 016-02: Tillægsbevillingsskema

Aaliangiineq:

**Akuerineqarpoq.**

| Sag nr. | Sammisag                                                             | Bilag nr.   | 017 |
|---------|----------------------------------------------------------------------|-------------|-----|
| KOM 023 | Allaffissuarmik pilersitsinissamut titartaatitsinissamut siunnersuut | Journal nr. |     |

Uteqqiineq:

Edvard Sivertsenip aqqutaani kommuni illuuteqarpoq, taakkua illut ilaat peqqinnissaqarfimmut sanaartorfingineqarnialerput. Taamatut pilersaaruteqarneq ilutingalungu allaffissuarmik pilersitsisinnaaneq eqqarsaatingineqarpoq. Uani suliami oqallisingineqassooq allaffisualiornissamut titartaatitsineq aallartinneqassanersoq immikkut aningaasaliineq aqquingalungu.

Suliap saqqummiunnera:

Kommunip allaffissua pisoqalivoq oquttorsuullunilu, taamaattumik ukiumut aningaasarpasuit aserfallattaaliinermut nutarterinermullu atorneqarput, taamatut aaqqiisoqanngippat sulisut allamut nuunneqartariaqassammata. Taamaattumik oquk ajornartorsiutaavoq annertooq piaartumik iliuseqarfingisariaqartoq.

*Iluarsiinissamut siunnersuut – sammisanut tunngatillugu nalilersuineq*

Nutaamik allaffissuarmik sanasoqarnissaa inassutaavoq, sanaartorneq pitinnangu titartaaneq pilersaarusiornelut aallartinneqarsinnaavoq. Kommuni illuuteqarpoq Edvard Sivertsenip aqqutaani, taakkua titartaasarfiup nalunaarutingaa 1000 kvm-imik allaffimmik pilersitsiviusinnaasut. Edvard Sivertsenip aqqutaani peqqinnissaqarfik inissianik pilersitsissalluni titartaatitseruttulerpoq. Tassunga atatillungu allaffissuup titartarneqarnissaa ilaassasoq inassutaavoq, taamatut iliornermi oqinnerusumik ingerlasoqarsinnaammat.

*Ingerlariaqqinnissaq*

Aaliangertoqaruni titartaaneq aallartinneqassasoq titartaasartumut akiliinissaq pisariaqalissooq. Kommunip ineriartortitsinermut suliffeqarfiutaa Avannaa Development allaffissuarmut pinginnittuusooq, titartaasarfiup Qarsoq taggippaa allaffissuaq kr. 40,0 mio. missaani naleqarsinnaasoq. Kommuni ullumikkut allaffinnik avataani attartornermut aningaasartuutingisartangai akilersuutitut atorneqarsinnaasut inassutaavoq, taamaattumik ingerlatsinermi aningaasartuutit nikisippallaanngikkaluarlungit allaffissuartaarnissaq piviusunngortinneqarsinnaavoq. Piaartumilli titartaalluni pilersaarusiorneq aallartittariaqarpoq.

Aningaasaqarnermi kingunerisinnaasat:

Titartaasarfiup Qarsoq allaffissuup titartarnissaanut neqeroorutingaa kr. 1.940.000 suliarinera akeqassasoq. Suliassaq tapersearnartuummat aammalu kingusinnerusukkut sipaarutaalertussaammat aningaasartuutitigut, allattoqarfimmiik siunnersuutigineqarpoq sanaartornerup iluani iluarsartuussinermut atugassarititaasut ukioq manna kr. 8,6 mio.-nit iluanni akilerneqassasoq siunnersuutaavoq. Karsimiilli tiguneqassappat, missingersuuserisarnermut inatsit ukiumiik ukiumut qaffaasinnaanermut ukioq 2025-mut missingersuusianut sinneruttussaassaaq kr. 0.900 mio.-nit kisimik, taakkulu naatsorsuutiginnngisanut, pingaartumik akiligassaqarfiusartut annertuuni nikittoqartillugu sipaarniarnissaq allaqqunneqarsinnaajunnaassaaq. Avannaata Kommunian aningaasaqarnikkut ullumikkut nukittuujuvoq. Missingersuusianilli annertunerusumik qaffaasioqqissinnaassanngilaq missingersuuserisarnermut intasisit malinneqartariaqarmata.

Inatsisitigut tunngavigisat aamma toqqammavissiisutut allagaatit:

- Kommunip aqunneqarnerat pillugu inatsisartut inatsisaat nr. 29, 17. november 2017-meersoq

Suliamik isumaginninneq:

Aningaasaqarnermut Ataatsimiititaliaq  
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa  
Allaffissuartaarnissamut titartaatitsinissap pilersaarusiornissallu aallartinnissaanut immikkut  
aningaasaliinissaq kr. 1,94 mio.-nik aningaasartalik ataatsimiititaliap akuerissangaa  
Allattoqarfiup inassutigaa aningaasat sanaartornerup iluani iluarsartuussinissamut aningaasaliissutiniik  
matussuserneqassasoq*

Aaliangerneq:

Suleqatigiit amerlanerussuteqartut inassutigineqartoq akuerivaat.  
Siumut-mi oqariatuutigineqarpoq tunngaviatigut taparserneqartoq, kommunalbestyrelsimulli nutaamut  
suliassatut ingerlateqqinneqassasoq piumasarineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilanngussaq:

Bilag 017-01: Allaffissuartaarnissap titartarnissaanut isumaqatingiissutissatut siunnersuut

Aaliangiineq:

**Akuerineqarpoq.  
Siumut-mi oqariatuutigineqarpoq tunngaviatigut taparserneqartoq, kommunalbestyrelsimulli  
nutaamut suliassatut ingerlateqqinneqassasoq piumasarineqarpoq.**

Ataatsimiinneq naammassivoq nal.: 11:37

**Atsiorfissaq:**

Aqqalu C. Jerimiassen (A) \_\_\_\_\_

Knud Kleemann (A) \_\_\_\_\_

Palle Jerimiassen (AT) \_\_\_\_\_

Lena Ravn Davidsen (D) \_\_\_\_\_

Bendt B. Kristiansen (IA) \_\_\_\_\_

Jens Ole Nathanielsen (IA) \_\_\_\_\_

Niels Davidsen (IA) \_\_\_\_\_

Anthon Frederiksen (N) \_\_\_\_\_

Jens Napâtok` (N) \_\_\_\_\_

Ane Qujaukitsoq (S) \_\_\_\_\_

Elisabeth Nielsen (S) \_\_\_\_\_

Jens Kristian Therkelsen (S) \_\_\_\_\_

Jakob Petersen (S) \_\_\_\_\_

Jørgen Kruse (S) \_\_\_\_\_

Magrethe Christensen (S) \_\_\_\_\_

Sakio Fleischer, (S), \_\_\_\_\_

Timotheus Petersen, (S) \_\_\_\_\_